



劉以貴像

十年春五月庚申曾伯執事平夏五月曾桓公秋公會  
衛侯于挑丘弗遇冬十有二月丙午齊侯衛侯魯侯于

卯

。劉氏曰外局春乎此職也常山劉氏以承戰焉文則彼  
由我宜其義坦然。蔡邕謂魯衛兄弟之國齊魯某世之相  
親。又新蔡子齊魯會盟盟後曰以赫又一有周際則  
其親皆盟與六年春秋之時所以為大亂聖人比書  
其事為世變。事之變曰怪者非劉曰此年春遇罪齊  
也又十六年齊侯弗及魯罪齊也。齊魯為內謀也。宜  
齊魯鄰事及有長也。劉以貴以馬產詞晉人的徒留亦  
劉則亦德善之美文。

劉以貴春秋集解手稿



客齊十詠

高軒臨曲陌下有千尺水昨夜風雨生春  
 波沒沙尾蘇詩行楊柳三百株枝上拂釣  
 石晨攀樹枝清露向人滴楊柳厚曲水堤  
 下流堤上成萊圃特有蛺蝶飛花濃日正  
 午以國帆影出城頭雲日淡將夕但見碧  
 水流何處望行色世說南橋狀如蛇北橋  
 狀如馬兩橋直水波明月生橋下紅松散髮步晚

景薛羅森在目舊叟振袂寒雀響出竹  
 春流漾暖渡在渚葦蘭並莫教渙艇  
 入游魚正卷子卷五陸客心愁春艸中斷暮  
 江樹何處木魚聲颯沓隔煙霧小坐卷鷗  
 鷺不避人時來汀邊啄微雨濕蒼苔兩  
 色生古木蘇詩渡口起白波東風三日  
 惡寒食無人行潮長復潮落古渡

理三韓夢周筆







于 祉 山 水



宋 書 升 像

大造之門

于量書東嶽廟匾額



于量像



丁善長三賢圖



丁善長石泉松月圖



水山行樂



像佛長壽了

濰縣志稿卷二十九

人物

儒林

兩漢諸儒半齊人而邑獨無聞焉其有可考見者如北海相景君碑之平壽淳于闔徐允而已然門生故吏未必皆大儒也其大儒如楊何長孫順任公諸賢皆菑川國人建武中菑川分置北海地望難明故缺而不書惟元蕭維斗氏料確為邑人矣與劉因同恕蔚然為一代宗師顧其先已著籍奉元列之外徙可耳明清以來賢哲朋興劉以貴姜國霖韓夢周宋書升均炳炳烺烺垂名清史儒林傳故撮舉四賢之言行著於篇

清劉以貴 姜國霖 韓夢周 宋書升

清劉以貴字滄嵐康熙二十七年進士官廣西蒼梧縣知縣縣獯獷雜處號難治以

濰縣志稿

卷二十九 人物 儒林

一

貴革除陋習營茶山書院以詩書為教年四十告歸杜門著述常謂鄭康成之罷從祀成於張璠而實始於程敏政敏政博利之徒著道一編舉朱陸緒論顛倒年月謂其早異晚同姚江因之成朱子晚年定論之說蓋始以私智議先儒後遂以學術教人心其流弊不可勝言又謂世譏康成信緯不知康成所據之緯書之醇者也且如三綱五常之說尚書緯之文也朱子以之注論語周子三百六十五度四分度之一易緯之文也蔡氏以之注尚書後人不議論朱蔡獨毀康成何耶其論與朱彝尊康成不當罷從祀議皆為卓識至雍正二年遂復奉旨從祀著有古本周易十六卷析疑二十卷於注疏外旁搜一百四十餘家而考其異同辨其得失又有藜乘集三卷初學正鵠正命錄萊州名賢志等書卒年六十五

清史儒林傳

劉以貴鄭康成論

鄭康成本高密人為北海相孔文學所賓禮故得志於濰焉康成生漢季四海蟻紛獨能安貧樂道絕意仕進何進辟之不就袁紹召之不赴前得免黨錮禍後得脫黃巾害彼於聖賢立身大節既以較然無負其得從祀也固宜子曰有

德者必有言明乎言者將以寫其心得也以康成之德又加之學有根抵辭無枝葉故能彙粹儒先折衷掌故於易有解於詩有箋於儀禮周禮記各有專註當焰盡祖龍之後漢興數十年始除挾書律雖聖籍稍稍無由覩其全經而致令當年之老師宿儒半歸零落而後學之有志復古者獨康成一人而已康成諸書至唐始頒學宮康成之從祀亦至唐始論定由唐而宋學者耳濡目染於康成之書未聞敢有肆無忌憚以顯舉其書而叛之也其顯舉其書而一變也其不盡亡者幸猶散見於李鼎祚集解中耳自安石以其新說廢罷儀禮又為鄭書之一變也其幸存者朱子集三禮通解推儀禮為其本經凡引用註釋率取之鄭為多云明制十三經頒學宮雖止用四子五經取士而十三經刊本猶在是鄭書亦不難揭日月以常新也夫一疏食一菜羹古人每飯必祭先代始為飲食之人義取於不忘本也云爾曾令甲攸懸使學者讀其書而顧禁之祀其人乎康成之改祀於鄉也事成於嘉靖時之張璁實作俑於宏治時之程敏政敏政和初創罷祀之議不得行於孝宗有璉為之申明其議得行於世宗安知孝宗朝之老成謀國不遠勝世宗朝之好持論而喜更張耶傳曰無諸已而後非諸人彼敏政者果何人也而敢輕詆前代經師乎史載敏政典宏治己未會試鬻題賈士給事中韓景林廷玉劾之逮繫詔獄問黜舉子十餘人罷敏政官未出京卒嗚呼以如是之人而敢輕詆前代經師可謂不知量之甚矣敏政嘗著道一編舉朱陸緒論而顛倒年月謂其早異晚同姚江因之成朱子晚年定論之錄以授泰州王艮龍溪王畿良一傳其早異晚同姚江因之成朱子晚年定論之錄以授泰州王艮龍溪王畿一傳為何心隱再傳為李卓吾從來論之過於高曠者未有久而不弊者也

# 濰縣志稿

## 卷二十九 人物 儒林

二

善乎東莞陳建之作學都通辯也其論敏政輕抵經師之非曰讀書未到康成安敢高聲議論其論敏政矯誣考亭之妄曰君子不欺暗室而篋墩特著一書以欺天下推此其平生之心術可知矣無怪乎主試事發而遂至愧恨以死也豈鬼神惡其積欺而降之罰與案敏政左袒象山以抵鄭誣朱徒欲自便其空疎之枵腹恣為狡獪之佞口耳渠所議罷祀改祀十謬七八即如劉向當西漢末造疏論王氏條奏災異忠肝義膽千載以下讀之猶凜凜有生氣璉附敏政議斥之並不得祀於鄉毛舉細過污讒之失而逞私妄議輒為出入殊乖古人之嘉靖九年欲以制禮之功蓋其豐昵之失而逞私妄議輒為出入殊乖古人之旨夫以一時事之瑕而廢傳經之祀棄漢儒保殘守缺之功而獎末流論性談天之學於是語錄之書日增月異而五經之義委之榛蕪自明人之議從祀始也據日知錄所論誠為深切著明矣宋史道學傳濂洛關閩得聖道之宗固屬前此所未有然試思四子五經所載天文地理陰陽律呂師田學校祭祀會同之類即宋儒亦豈能外漢儒註疏為考據乎是則康成註經之功當不在毛萇孔安國下焉可知也或曰宋匯澤陳氏嘗言鄭解禮祖識緯故敏政輩得緣其間而詆之也曰不然當經學既明之日三尺童子皆知識緯之不可竄入聖經也若當宋儒未出以前陳氏能自必其不惑於識緯乎曰君子慎始差若豪釐繆以千里此禮經解所引易通卦驗之文陳氏辨其為緯書以求之周易經傳都無是言也但是言相沿已久后蒼說禮數萬言不能使緯書不雜於曲臺記中必拘拘焉執祖識緯為康成疵等而上之不將並以雜入緯書竄亂聖經為后蒼疵耶同一祖述緯書不疵后蒼而獨疵康成是亦情理之不得其平者也况鄭之箋註主於垂世立教初未嘗私為己物圖以暴於世而博名也昔傳康成欲注春秋傳尚未成與服子慎遇宿客舍先未相識服在外車上與人說

己注傳意鄭聽之良久多與己同因就車與語曰吾久欲注尙未了聽君向言多與吾同尙盡以所注與君遂爲服氏注非學道大賢焉得具此心胸乎敏政以博利之徒而改不博名者之祀孰是孰非異日必有更爲論定者矣

閻循觀劉滄嵐傳  
先生姓劉氏諱以貴宇蒼嵐濰人五世祖應節明刑部尙書祖鳳毛桂林府通判父烱邑諸生先生甫能言母氏口授以四子書卽能熟十歲徧誦經史爲文奧博驚其前輩康熙丁卯舉於鄉海內名滿爭嚮之何屺瞻孫子未汪武曹尤傾服以爲絕論時徐司寇健菴方主文盟以號召後進及其門者多得推引惟四明萬季野宣城梅定九及先生爲司寇所欲識而皆不至司寇因武曹通意先生先生卒謝焉及戊辰中會試出司寇之門然後一投刺而退謁選得蒼梧令調武緣署思恩府事皆以廉著聲而在蒼梧革耗羨在武緣平八寨盜尤至今載人口焉年甫艾告歸杜門著述於十三經注疏外旁搜一百四十餘家而考其異同辨其得失易有析疑二十卷古本周易十六卷尙書以下皆有集解各若干卷自古說經之言未有富於先生者也又有初學正鵠正命錄蒼梧縣志萊州名賢志藜乘初編二編滄嵐辨真文共若干卷其論鄭康成宜復從祀發於雍正間禮臣未議之前爲識者所躋云年六十有五卒子體仁縣學生復仁甲辰恩科舉人今西陽州同論曰先生讀經嘗盛夏過夜夜分蚊集面頰殆遍不知也侍者爲撲殲之亦不知其用力專壹如此先生經說皆未行若得刊布之洋洋乎可以備儒林之盛矣 按此傳載西澗草堂文集而乾隆志藝文門則目爲邑廩生韓騰作騰爲韓公復先生堂兄先生與閻懷庭先生又最交厚是韓是閻明眼人自能瞭然

### 濰縣志稿

#### 卷二十九 人物 儒林

三

姜國霖字雲一孫家莊人父客京師病國霖往省至則已歿無錢市棺以衣裹尸負之乞食而歸里中憐其孝醵金以葬母善怒一日怒甚國霖作小兒嬉戲狀長跪膝前持母手披其面母大笑自是不復怒是年五十矣師事昌樂周士宏士宏有高致與國霖至莒樂其山水家焉死卽葬於莒國霖築室墓側安貧守素不求於人年七十躬親耕耘乾隆十三四年濰大饑劬菜根爲食貌轉腴閻循觀問國霖喜讀何書曰論語終身味之不盡也其自述生平學力年四十始能不以貧富撻其念五十始能不以死生動其心及卒循觀爲作言行記

清史儒林傳

閻循觀姜雲一先生言行記

姜雲一先生名國霖濰縣孫家莊人家貧父遊京師疾病先生往省至則已卒無錢市棺以敝衣一稱裹其尸身負之還族黨哀之爲醵貲以葬是行也往返二千里攜錢三百常乞食於道見者泣下母性慧多怒怒則致疾先生百計解之一日怒甚先生跪膝前作小兒嬉戲狀強母掌其面母笑而罷自是不復怒先生時年五十云師事昌樂周生士宏士宏有高致嘗與先生至莒樂其山川而家焉死葬其地先生築室於側年饑率二日得一食居常衣冠甚肅言語甚謹誠於祭祀遇人必忠敬予嘗過其村廬見題座右云此心不可有呼吸之放

予問先生喜讀何書曰只論語終身味之不盡嘗自述生平爲學得力四十始能不以貧富撻其念五十始能不以死生動其心先生於予爲妻族諸子稱之必曰先生云

韓夢周姜雲一小傳

姜國霖字雲一濉人翬翬篤行闇然無聲華讀書不爲雜博每經書一語終日玩索體諸身心嘗曰此心不可使有一時之放又曰學莫先於辨義利功莫切於克己能不以死生動心方謂實有所得平生無疾言遽色廣衆中危坐竟日無頽容人或非毀之至面誚夷然不爲動其涵養鎮定如此家極貧年七十躬親耕耘糟糠不厭乾隆戊辰己巳間濉大饑日鬪菜根爲食貌轉腴其他言行大者閭懷庭爲之記

韓夢周字公復東關人罷官後移居城南之草廟莊少孤力學揭母不敬思無邪二語於座右跬步必以禮乾隆二十二年成進士授安徽來安知縣始至斥蠹役勸農功訓民節儉逐黠商之窳物罔民者來安北繞羣山南多圩田民凋瘵甚夢周令依山種桑募兗沂人習蠶者教之蠶嘗欲開浦口黑水河使縣南之水不由瓜埠口可直達江則圩田不受災而民利數倍因著圩田圖記具詳其地里丈尺工程上之總督高晉晉許爲奏請會以捕蝗不力罷歸去之日士民炷香攜酒相屬於道歸後講

## 濉縣志稿

卷二十九 人物 儒林

四

學程符山二十七年夢周爲學以存養爲根本省察爲修治窮理爲門戶篤守程朱檢身若不及嘗曰震驚百里不喪鬯匕誠敬之效也能誠敬則心之理得矣其辨陸王謂宋南渡後臬堂出於佛徒最爲黠桀語張子韶曰侍郎把柄在手便須改頭換面而以誘來學子韶欣然從之於是儒佛之界始大亂然子韶之徒智不足自全每供敗闕象山陽明則陰證釋民之諦而巧爲改換之術又謂陽明卽心卽理與釋氏卽心卽佛詞異而實同又謂陽明功業軒爍不必盡由講學蓋人本豪傑夙究於經世之務又能內定其心足以乘機制變故成功如此至於聖賢體用之全爲學之功則不可一毫借也又謂爲陽明之學者有二其一學問空疎不耐勞苦樂其簡易而從之其一博覽典籍勤而無得見其專主向裏遂悔而從之前者多高明之人後者亦沈潛之士皆有造道之資乃蹈於一偏不復見古人之大全可惜也交遊中與山陽任瓊最契於彭紹升汪縉羅有高皆謂其學陸王而卒歸於佛又不喜戴震孟子

字義疏證謂程朱以理爲我所本有學以復之戴氏以理爲我所本無但資之於學  
卽此觀之孰爲得失不待繁證深辨也著有理堂文集詩集日記陰符經注等書嘉  
慶三年年七十卒道光十年崇祀來安名宦祠夢周少與閻循觀師事昌樂滕綱綱  
字建三歲貢生隱居窮經不稱人過失一錢之餽不苟受母疾嘗一日夜行五百里

求醫療母良已

清史儒林列傳

來安徐侃韓理堂先生傳

理堂先生姓韓氏名夢周字公復號理堂萊之濰縣人父承休候選主簿母張氏先生二三歲而孤少讀書不專於科舉承母儒人教知切劘正學揭毋不敬思無邪二言於座右壬申舉於鄉丁丑成進士丙戌令來安先生以慈愛爲心嚴明爲治於物無所假借有蠹役久害政下車斥革去又介於大吏之門下請復其邑役不許會有大姓犯法逃役自請捕之役故與大姓善至是覬賣以取寵先生尤惡之自是役去而蠹衰矣先生不諂事上學使某以侍郎督上江學甚尊嚴過境索餅食學使北人知先生亦北人先生曰餅能作不慣以之事上官也竟不與鄰邑令某使人負火食從於路怪先生之未辦具先生曰公能爲則爲之尤惡淫祀之皖城過梅心驛人衆若狂詢曰是名興山有神靈顯奔祀之先生覘之但有石略如嫗急使人排去石從山磊落而下衆大驚散去又之城隍神祠見有子女像衣袂奩奩及溺器備具先生曰此有司之過也急走出

濰縣志稿

卷二十九 人物 儒林

五

歎恨去先生動必以正不苟同亦不爲詭異故一時自上官及大江南北間無不知有韓來安者來邑僻在江北北繞羣山南多圩田民彫劫甚先生依山種桑興蠶織重募沂兗工教之又欲開浦口黑水河邑南之水不由瓜埠口可直達江圩田不受災而民利數倍其地里丈尺工程具載所著圖記會大學士高公爲制軍舊爲上江方伯曾與開河議者許爲奏請至庚寅以蝗災事罷官事遂寢先生教士望其嚮道凡行已立身之術開導不已不欲其苟進終戒以妾婦之行求利達之恥初聽猶齟齬後稍耳耳從之稍暇則召小民至前如家人父子語凡及家庭孝友倫紀之故言之流涕小民亦流涕及罷官負薪攜酒相屬先生不忍受亦不忍拒有餽以金者則絕之先生在官時有生祠及去士民送者雨泣煢獨者號於野香煙漠漠班道左云罷官後家居二十七年年七十卒子二人起穀起牧先生少與青州閻公懷庭爲友閻公學行亦最美兩先生自宋以後諸儒之論學者皆能悉其得失去其瑕疵而取其醇美者於明之薛文清顧端文尤篤先生爲學防己最嚴諸可欲者決不使之入故於胸中洒然有融釋之趣吳中彭公允初嘗云國家明德醇懿涵養百餘年其徵應於士類者於閻韓兩公見之吳之汪公大紳與先生往復亦最久而其曠邈之思不可挹取往往見於詩歌文辭所著有古文集詩集日記陰符經注共若干卷制藝前後刻各二卷論曰先生自少志聖賢之學其道未竟用令小邑止五年又罷去侃邑人故傳先生於作令事爲詳使官不罷雖罷復起政亦不祗此然自去後至今四十年百姓思之如一日後令及上官耳目之久翻疑且怪曰韓某何如人政何如政而民思之若是古云百年服教百年畏神可以見矣

新城陳用光韓理堂先生墓表

理堂先生爲宋儒學而能用諸用又工爲古文辭其令來安嘗欲開浦口黑水

河導邑南之水不由瓜埠口以直達江使圩田不受災而民利數倍其地里丈  
尺工程具詳於所著圩田圖三記其時大學士高晉爲制府嘗與先生同議開  
河事欲爲請於朝會先生以蝗災罷官事遂寢先生愛民如不及而治胥吏以  
嚴明來安北多山則教民依山種桑募兗沂人習蠶者教之蠶治事暇或歷鄉  
村與民言孝友事至其可感者或往往爲之流涕嘗斥去蠹役之害政者役營  
求請復於大吏會有大姓犯法逃役故與大姓善乃假此爲辭乞捕大姓以自  
解先生終不許役既去民始安先生之罷官也戊子夏旱先生具狀報災月餘  
累十啓始得請並其隣近十餘縣皆緣來安得議賑顧踰歲庚寅先生方分校  
鄉試闈而淮南北蝗大起分巡道以先生偕諸捕蝗不力者同時劾奏並落職  
先生既罷官不能歸居來安民餽問以薪米者相屬至今逾四十年來安人尙  
思先生不置也先生姓韓氏名夢周字公復號理堂其先滇人自明中葉遷於  
萊州遂世爲萊之濰縣人先生生三歲而孤承母張孺人教少卽揭毋不敬思  
無邪二語於座間其趨向如此嘗讀書於程符山中自來安歸仍居程符四方  
學者從之學先生輒舉宋儒之學以爲教其爲古文魯山木仕驥以爲醇深淵  
懿也先生之取友在山左則與法鏡野坤宏閻懷庭循觀友善在四方則與彭  
尺木紹升魯山木仕驥友善山木與先生未嘗面而歲以書問相勉爲學魯彭  
二先生皆兼采陸王之說尺木乃浸淫於釋氏先生則確守程朱所自得尤邃  
其見於用庶幾清獻之爲靈壽矣今天子方議西北水利而去年東南之水災  
特甚使爲令者人人如先生之議來安圩田其有以稱詔旨治溝洫普美利乎  
用光少時從山木學嘗寄質文字於先生又嘗從山木所得先生所刻歸震川  
史記例義意讀之嘗恨未得一執經而受業今去先生歿時星周逾一紀矣賈  
侍御聲槐往嘗屬用光爲表墓之文今陳編修官俊刊行先生所著詩文共若  
千卷來速余將附刊於其卷末乃舉先生爲學爲政之大者以應之其世系子  
姓備載墓誌茲不具云

## 濰縣志稿

### 卷二十九 人物 儒林

六

宋書升字晉之號旭齋城內人生時父前歿已數月母郎太宜人茹苦食貧撫育成  
立幼聰慧絕倫讀書過目不忘光緒壬辰進士欽點翰林院庶吉士時年已五十矣  
所著宋氏周易要義尙未寫定大懼以仕廢學遂不出散館其初創要義稿也第綴  
輯漢易諸家說折衷一是旣乃棄去其大半上溯河洛中萃漢宋下採毛惠張焦諸  
家說以捋其實而揚其粕又以爲毛惠諸家之於周易其摧陷廓清之功鉅矣顧欲  
再爲摧陷廓清之非從天算著手不可由是推衍中西算法以考定古今黃赤道大  
距之變動碯知夏禹元年與竹書紀年合又卽夏禹元年考定夏小正諸星躔次知  
十月南門見與四月南門正二南門實爲庫樓外之南門星其夏小正釋義黃帝以  
來甲子紀元表二書皆爲注易作也年近七十而要義始寫定云其掌教濟南也歷  
經撫學以保荐經學奏牘有小康成之目丁未召見賞給五品卿銜袁世凱撫東事

之彌恭謹其後專員齎厚幣招致之堅辭不起迫促急乃以病危辭鍵戶不出惟日夜飲苦藥聲云治病暇即取敗紙咄咄亂書行草雜糅莫測其所書爲何語紙盈幾寸許旋即焚之再書再焚秘不示人嗣又檢尋所著書如論語義證春秋分類考周禮明堂考二十四史正譌暨詩古文詞十餘種悉焚之殆有大不得已於中者耶乃不數日藥發卒於章邱其高壻家今其書唯宋氏周易要義刻未竣工其夏小正黃帝以來甲子紀元表乃及門傳抄本詩文集則邑人搜輯本卒年七十有三時民國四年也以從子肇祥爲嗣

清史儒林  
傳調查冊

### 高士

經曰不事王侯高尚其志尙已粵稽載籍蘇章當王莽時抱道不仕禽慶亦以儒生去官不仕莽朝徐房王君公與都昌逢萌友善皆隱遯不出暨郭頌世語所述之高士矯應悉北海人也顧漢晉之北海郡國轄縣十數安知諸高士非劇及都昌營陵人耶是以傳高士斷自明末始訖清共得九人焉

### 濰縣志稿

卷二十九 人物 儒林 高士

七

明孫出聲

楊青藜

清高倫

蔡宗襄

王玉臨

弟默臨

于祉

韓秀岐

郭鷹

明孫出聲字振鐸周家莊人父席休字迓衡明諸生工詩古文辭出聲幼承家學讀書至夜分不輟由諸生旋食廩餼著述甚富平生言動謹飭雖暗室危坐無惰容毅宗末年流寇四起過其村者每相戒以勿驚孫先生比聞鼎革耗號泣不食出遇同庠友劉謙相抱痛哭幾絕少甦別去徑入臨朐亂山中不出卒年八十有四所著述

### 見藝文志

韓夢周末刻  
稿採訪冊

孫出聲與張薇葦書

先生索書弟何書以先生深於易僭以此書相質然門外人說屋裏話其中謬誤必多又點污先賢之壁陷大愆而不知如蛾赴燈焰未嘗不求明蠅觸紙窗未嘗不求出先生何以教我

韓夢周曰孫先生行甚高在吾鄉其諸徐東癡李象先董樵谷之流與又喜讀二氏書余覽其觀物小語多粹言世皆以詩稱先生詩固非先生所存也

又曰吾鄉之以高節著者新城徐東癡萊陽董樵谷益都薛儀甫樂安李織齋與振鐸孫先生名不甚著以時無大力者表揚之也  
又曰先生制義渾雅可誦余爲抉擇  
三之一所著觀物小語亦頗有理致

楊青藜字祿客號石民廩生東南鄉楊莊人莊瀕渭溪自名其地爲小渭川以俗傳太公曾釣於此故名壬午亂避兵汶南甲申三月逆闖陷京大哭發狂嗣以幫匪蜂起遂攜家寓居安邱因二女一適韓一適劉皆安邱人也劉直齋先生源淥之從子爲其女夫故其處管公里也爲最久與安邱士大夫締交者亦最多晚年稍買田草廟莊家焉北距管公十里許歿年九十有五葬安邱東郭外青藜生明神宗時始爲制舉業卽傾其儕偶爲諸生餼於校劉中丞祚遠幼與同學勸爲詩不應乃走海上師宋繼澄先生繼澄方講學重海內間爲詩凌蹕古今青藜悅之因稍讀杜工部集斷然謂可學而至忘寢食者數年明鼎革益肆力於詩更泛江淮下湖湘所至必爲詩山川怪異風雨變幻昏黑日暮狐鬼叫嘯之夜輒窮極態度攄發其抑鬱閉塞

### 濰縣志稿

卷二十九 人物 高士

八

之氣後里中學者稱其詩沉思久之應曰終不如老杜其自負如此餼滿例貢太學若罔聞知晚年酷嗜宋儒書與翕齋直齋兩親翁講研濂洛關閩學主發明義理舉前所作詩盡付一炬賴黃司李綬爲哀集之彌甥劉封君汝飛爲刊刻之卽今所傳石民集是也而講學語錄則無傳歲丁酉詩草在祚遠家爲劉少傅正宗見之極爲贊賞並先施投書稱道其賢戊戌入京有遺榮期入道留別少傅詩一首尋歸又有上少傅書規其高行以來時忌獨廉以昭衆污皆切中少傅少傅已決計歸矣後更猶豫不數月遂及於禍人皆服青藜見事之明友誼之篤云

朱若實楊石民傳鉅野傳爾德石民先生傳安

邱劉汝飛刻石民先生集記石民集自叙

楊青藜戊戌京邱賦得遺榮期入道留別劉少傅公

賀老年遲暮志期挂冠遊抗疏乞骸骨知足又何求上循赤松事採藥向羅浮  
下希疏廣受垂釣滄江洲粵哉唐天子祖餞勿稽留辭拜未央宮賜賚紫貂裘  
旗幟颺東路供帳羅西疇御製五言律歌聲播筮羣僚各賦贈郵筒日夜投  
觀者爭頷歎勇退更誰儔余家北海上夙以道自周謬荷公獎識頗欲代公謀  
時來遊京部雨雪紛滌流爲覽西山勝豈憚道路悠羈食賴友生匪樂干王侯

同旅十二人招箋獨我投談詩偕鶴林酒坐盡更籌石磬爲我擊奇書爲我搜  
慚無攻玉資深爲友朋羞方今當遠離歸騎指蘆溝驪歌已唱道何以表網繆  
偶讀知章傳高風歛我眸賦詩將古意區區爲別留聊當野芹獻知公肯覽不  
又上安邱劉少傅書

交淺言深昔人所忌某初信之今乃知其不然夫有所爲而言者利於己之言  
也雖交深不言可也無所爲而言者忠於人之言也雖交淺言之可也閣下之  
交某淺矣某之見知於閣下亦未深矣某必欲盡言無隱者知閣下可與言者  
也某北海布衣近閣下居五十里聞自壯歲已入承明某素遠貴人之門故稔  
知其人而未覲面者四十餘年矣丙申歲某窗友子延在翰林閣下於其几上  
見某詩稿一卷亟稱之明年春假歸葬兄某時客安邱謬投某一札中有向在  
子延處得讀佳作知百里內有賢士久矣之語嗟夫古之所謂知己者以道相  
尚不以文相詡閣下之知某獨以詩也哉閣下之知某淺矣某之見知於閣下  
亦未深矣某必欲盡言無隱者知閣下可與言者也即以閣下不欲聞之言進  
之可幸無罪也某聞之登高者不極其巔探淵者必避其險非巔與險之果能  
危人也恐至之而忘所處焉危斯乘之矣今閣下位列台鼎巔矣險矣能退則  
退善矣不然而優游歲月伴食中書雖無補于國事或亦可以自全迺某伏處  
草茅稍有異聞焉龔芝釐之擬以立斬則報復睚眦也陳百史之無辜伏法則  
則以避馬未遠也周櫟園之擬以立斬則報復睚眦也陳百史之無辜伏法則  
與爭權競進也其他訛傳尙多事關鴻鉅有傷國體有干名教諒閣下所必不  
肯爲者故未敢輕信而妄言之卽此數端苟其有之亦足招尤矣其居鄉也檢  
束家人固爲得法其間不無一二跳梁者如時禁私釐大車方軌而進皆謂劉  
衛湯鹽不許通洋大木連轡而下盡稱相府房料所在有司莫能何問至婚姻

# 濰縣志稿

## 卷二十九 人物 高士

九

田產與舍人子有連者雖抱深冤孰敢興訟諸如此類人人側目而閣下固未  
之知也直指程君旣稱顯秩按部安邱亦重事權乃與盛倅并轡入城未至尊  
府半里許卽下車步泥淖中又過半里許然後升車有勢如此他人以爲榮有  
道如閣下能不懼乎不幸而傳之朝廷功耶罪耶閣下高明盍一思之閣下之  
所居與閣下之所行衆忌之而欲擠之者匪伊朝夕矣迺知進而不退知存  
而不知亡竊爲閣下危之今日惟當速解相印投劾歸田偕二三素心之士却  
詩文談性命何樂如之況閣下之位人之欲居者衆矣閣下歸則大寮必喜上  
亦不怒族黨戚執咸烹羔釀醴以尋舊好亦人生不再觀之遇也某之有言非  
若昌黎老泉之鳴號知己欲有所求而言也直爲閣下耳閣下貴盛之日久矣  
不調之於昔而言之於危疑嶮巖之際求人者必不若是某學宗東魯以道爲  
進退非但無所求而已感閣下先施之誼又託在同鄉不能墨墨而亟欲効愚  
忠於閣下也聞之智者能謀勇者能決某之言無可取焉則已苟可少裨萬一  
而輕棄之恐亦閣下之不再聞者也語云當斷不斷反受其亂儻謂帝眷方殷  
猶豫不決厭心一生卽欲退而弗及矣伏惟閣下留意焉

按青藜上少傅書有二本一爲張貞楊石民傳所錄者與王士禛分甘餘話摘  
錄者從同一爲劉汝飛所刊石民集附錄者末段則迥有不同處巔矣危矣句  
劉刊本云今閣下位列台鼎巔矣險矣能退則退善矣不然隨世就功委蛇以  
成國家之事拯生民之急使斯世稱爲良臣抑亦可矣而乃高行以來時忌獨  
廉以昭衆汚欲身之不危得乎在乾之上九曰亢龍有悔象曰亢龍有悔盈不  
可久也近聞閣下清介愈甚主上知之逾屢召便殿言事每至夜分游上苑  
賜食賜馬又召閣下子賜銀貂裘寵賚未可盡述閣下居極亢之位處不可久  
之勢衆忌之而欲擠之者非伊朝夕矣進而不退竊爲閣下危之昔二疏鑑止

足之分抗疏乞歸即日叔姪膏車言旋天子時遣使存問賀知章為太子賓客告老乞為道士明皇送之以詩出都門祖帳數十里朝紳見之以為光榮迄今千餘年讀史者歌詠之不衰閣下誠能聽某愚計屈公輔之尊置某師位東嚮而拜受其言即日歸老疏棄相印如脫履歸偕二三有道之士却詩文而談性命以結生死一大案何樂如之況閣下歸烹羔羊釀醴酒以叙舊歡人生不再僚必喜而上亦不沮族黨親朋見閣下歸烹羔羊釀醴酒以叙舊歡人生不再觀之遇閣下其肯失之某之有言非若昌黎老泉之鳴號知己欲有所求而言也直為閣下耳且夫宰相至貴也布衣至賤也以至賤謁至貴伺候於閒館十日而門者不傳足欲退而仍止則謂之賤也宜某學宗孔孟頗以道自非但無所求而已也感閣下先施之誼勤懇有逾尋常又屬在同鄉心不能已而急欲効愚忠於閣下也亦不賤矣亦可以備芻蕘之詢千慮之一得矣聞之智者能謀勇者能決某之言無可取焉則已苟可稍裨萬一而輕棄之恐亦閣下之不再聞者也語云當斷不斷反受其亂倘謂帝眷方殷而遲疑不決一日厭卿即欲退而弗獲矣願閣下留意幸察勿令二疏一賀獨光漢唐策

安邱劉其旋書石民先生集後

先生稱詩濰上高古雄勁不作老杜以後想顧世鮮知之其負海內重名則自與家少傅公一書少傅得先生書時請告在家攜入都門決歸田計屬世祖皇帝眷注方殷不果遂構難新城王貽上先生記先生與少傅書由齋齋少傅者偽為之先曾大母先生女先生所為詩併與少傅原書皆藏家大人處每示其旋輒更歸篋中珍重如此其旋令嘉定大人攜與俱屬金樵同年為抉擇付梓金樵見原書太息久之少傅本以孤介招眾忌國史自有定論先生感知己致忠告勸少傅引歸偽書籍其事中少傅身後新城近在桑梓不更詳察遽筆之

書何歎先生可傳本不在書書其風節峻嶒之一端更為贗者掩真實面目使舊臣橫被詆訛可慨也已雖然碧雲駸一書譏范文正公至不直一錢或言梅聖俞為之聖俞名高無如希文何他日視貽上之書得毋有比之碧雲駸者乎大人既刻先生集附原書命其旋志之如此其旋謹識

### 濰縣志稿

#### 卷二十九 人物 高士

十

**清高倫字伯羣明副使桂之孫也廩貢生劬學不仕精醫術與商邱顧調昌邑孫櫿**

**昌樂劉芳遠同寓安邱安邱諸儒先如劉直齋張杞園兩先生悉與締交論學時人**

**稱為渠丘四客又不憚數百里與顧調諸人執贄宋澄嵐之門受詩學焉所著有麓**

**臺集若干卷**

安邱新志  
高氏家乘

萊陽宋繼澄贈門人高倫

韓柳文無作岐黃業在茲本為名與晦却似藝相知草木依情性天人入睿思

任豪杯可勸

大雅更裁詩

**蔡宗襄字漫夫辛冬村人選貢精六書之學並善書詩格蕭閒與石民並稱著述多**

**散亡好學者尚有藏本**

乾隆  
縣志

壽光安致遠蔡漫夫傳

予交濰陽蔡漫夫始于甲午秋今年己卯孟夏而漫夫卒年八十有二距甲午

四十五年于是與君交終矣予與君選拔入太學是歲同舉者百二十餘人惟長山劉君果庵及君與予三人愛若兄弟二君以德量重予性卞急又被酒跌宕然始終相好無間也君讀書有靜力家貧不能得書每借讀必闔戶節錄抄竟即終身記憶不忘又精於六書之學辨其聲音考其邊傍正其謬誤遇有所質問君以掌作紙以指代筆曰某波深當如此書平仄當如此諧也君又好作小楷予與行燕市見蔡君謨真書墨刻一帙急購之曰此與我姓名同伏習幾至亂真間爲詩詩亦不漫作其秋日見懷有四壁書燈千里雁五更風雨萬家雞之句時輩皆以爲警策君于讀書外不甚解人間事然氣度簡遠與物無傷予與偕宿濟南旅舍君與一友人同寢君僕偶有觸忤友人投枕起捶牀怒詈君帖帖然臥若爲弗聞也者晨起共盥餐亦無忤色予又與君行河間道中一貴人從者鞭君僕衆皆怒擁君而前君曰我向若當作何說趨起面頰而退曰生來不能與人角口語也君之坦懷有如此君雅操有常生平好着烏白氈帽皂布雲頭履五十年不易其式有田百晦苦窪瘠所入不足以供饘粥非授徒卽出遊值秋日滌場後卽跨露骨驢隨一老僕得然求餉于故人有無亦不以屑意一日大雪中以稅急求援予立命兒子質羊裘付之君亦不爲媿荷又一日將遠遊不持一文向予覓百錢不鑊亦不强索而去君去予家百里遇有緩急卽摺紙作二寸牘來告匱粟百鎰君不以爲數予亦不以爲煩也君之率素又如此去年春君八十一矣驅車至予晚讀堂讀予所作蠶音曰達哉亦太早計老夫尚可三四年活今年又兩遣使抵予舍皆有所需而予以頻年囊澁不能副君之急不兩月而訃音至矣傷哉吾友也宇宙至曠知己無多果庵以數年前物故今君又以大耋終所謂百二十人者今尚不知餘幾茫茫逝波今古難停吾三人與百二十人者不過逝波中之一芥浮漚耳又烏容計較

# 濰縣志稿

## 卷二十九 人物 高士

十一

于其間哉獨是予與君交最密又最久君之著述不見於世姓名不大顯于人間若其思緯精揣意趣高寄求之交遊少有倫比故于君之歿也爲之序述如此以誌昔者之慨焉君晚有一子名貽甄能文章方以童子試府縣皆冠其曹偶以第二人補博士弟子員君寄予札曰膝兒已青其衿老醋袋心事已畢君亦可無憾于九泉云君諱宗襄世爲萊濰之辛冬村人又與蔡漫夫尺牘

鍾譚常苦王李不韻弟亦苦鍾譚不韻王李整而不韻鍾譚碎而不韻其爲不韻一也弟於近代名人則甚愛袁中郎與陳大樽然中郎妍捷而近佻大樽閒麗而近靡若夫蘊藉嵐雅合比與之微說寄音思於逸韻其當上溯信陽乎但弟於古人有羨慕心無效法心安吾拙亦安吾愚不必臨摹他人面孔也又近日讀史否前輩云史書不好讀卷帙浩繁損人神氣弟直以爲傷人懷抱每讀未數幅忽而裂背忽而皺眉忽而破涕爲笑忽而轉喜爲愁甚至以手爪代斧鉞以姓名代面皮搯痕斑剝害同蟬魚一卷之書七情互易弟讀書正如浪子入烟花場中不知流蕩何所又人常謂天寶二十年離亂祇成得杜老一部詩集自壬癸以來十餘我中將偌大一箇乾坤反覆播弄幾番整頓始有今日不知尚有少陵野老睥睨其旁否有其時無其才亦是天地一大缺陷

王玉臨字梅樵柴家莊人工詩及書法諸生將試於鄉聞當事無待士禮遂止屏居教授終身不復出以雍正某年卒弟默臨字訥菴與兄偕隱善書畫書學其兄人稱

大小王云後兄幾年卒

閻循觀二王小傳

昌樂閻循觀二王小傳論

濰多隱君子前有楊石民蔡漫夫鉅野傅廣文爾德有石民傳壽光安封君致遠有漫夫傳其言皆可信故不論獨論二王予嘗至王氏所居柴家莊高柳寒泉映帶茅舍子孫出見客簡質無時世意猶可想見其流風也因得借觀梅樵詩歎其清迥後爲人持去失三之二存者多少作非其至也二王書畫不輕爲人作故今亦罕見之獨其高義在人口久而益彰嗚呼身旣隱焉用文之彼皆不蘄其技之顯於當年况身後乎然用此知文雅之不足恃而君子所以自致者別有在也

于祉字燕受號澹園東北隅人幼聰慧異常有才子之目嘗讀後漢書范式奔友喪任未奔師喪及諸葛忠武出師表皆爲泣下性高簡出應童子試有司已拔置第一恥當事無待士禮遂援例入太學不復出隱居著述謝絕賓客書法二王文逼莊騶諸子詩則自陶謝入而上窺建安黃初所爲五言古及五言樂府掖縣李少伯圖極賞之生平行止肅穆居家對妻孥若對賓友會有所得則欣然忘食不知世有榮瘁炎涼事其言曰文章一道視性情爲高下高人逸士之胸其哀樂至性常過於人故

### 濰縣志稿

卷二十九 人物 高士

十一

其文超絕今古今欲學到古人不在學問而在人品人品高一籌則文章高一籌斷斷乎高山流水不可向十丈輦紅塵覓消息也其平日持論如此年八十二無疾而歿所著詩古文詞見藝文子文震文中孫濂芳見文學

張昭潛澹園先生傳又墓志

韓秀岐字西周又字息舟東關人性樸拙生平不作欺人語家貧一介不苟取自幼讀書不應試工古篆隸鐵筆精絕得秦漢家法又能刻磁巨室爭客之然無一迎合術嘗隨某巨室至京師某讌客徧招名姝侑酒夜深客散妓悉留主人歸內寢秀岐獨與諸妓同宿一室不移時踞胡牀寐鼾聲達旦陳介祺雅重其爲人夫人李歿鑄銅蓋其穴意欲得秀岐鑄篆其上延之不至乃倩其契友力邀之至鑄竟去酬以金帛不受以布粟辭多受少旣又欲以地周其乏則長揖謝去介祺書楹聯贈之曰踽涼齊餓者俎豆古遺民光緒丙子邑饑市豆皮啖之未幾願頷得疾卒年六十有

四

張昭潛韓西周墓碑

韓秀岐登泰山五古  
惟昔年少日父母說泰山聞諸登者說巍峨不易攀插天四十里上有十八盤  
慢者十八盤緊者十八盤更有最緊者鐵鎖垂南天令人掣之上直若登天然  
今日復何日小子造其巔空憶父母語不覩父母顏日暮獨下來塌然摧心肝  
郭慶貧交引贈韓息舟  
韓生家在白浪河之羊棗豬肝能養親結交亦復有終始不隨世俗渝吾真  
家產費盡常落拓風流丁冀（注丁星五）宦台閣書記聘主蓮花幕如魚得  
水相對樂酬對餘閒仿印篆擇木家法今再見（注息舟篆刻本甘氏印正）  
豪貴紛紛爭造門書生怕見宣明面就中閭防（注昌樂閭雨帆）鑿人倫白  
髮飄蕭來往頻讀書恨不致身早埋沒腳踏實地人長安回首失所依玉樹凋  
零淚沾衣冰霜馳逐一千里張范交情是耶非歸來依舊貧如常策蹇過我囊  
駝莊同是依人中道棄酒酣擊筑歌慨慷空憶結髮事遊讌懶稽論心偕狂阮  
文章道義相切磋太行可移交不變今日之日竟如此昨日之日可知矣白璧  
黃金儻再來依然聲氣動閭里吁嗟哉浮世悠悠誰是耐久交乘馬戴笠不相  
拋乘馬戴笠不相拋  
得一韓生亦足豪

郭慶字子嘉南康同知啓翼孫也幼承家學精六書癖金石文字傲骨嶙峋不諧俗  
族子熊飛守夔州憫其窮於所遇延爲諸子師凡熊飛遷擢所至罔不從比熊飛歿  
藩司任所乃歸出脯金買瘠田十餘畝於城西楊家莊葺舍居焉顏所居曰楊峽別

### 濰縣志稿

卷二十九 人物 高士

十三

墅以莊瀕大于河卽水經注之漪水復築室曰聽漪山房薶首窮鄉不與世接種瓜  
鬪菜之暇亟思搜羅邑中文獻於荒冢破寺閒斷碣殘碑剝苔剔蘚往往而獲然拘  
於力十數年僅得九十餘種蓋自居鄉後不入城市者六七年紳富戚族之門闕內  
外無履跡也獨於攷證篆籀辨別碑版真僞時一詣陳介祺家陳與訂補得二百三  
十二種釐爲八卷名曰濰縣金石志卽今之傳鈔本也光緒閒又依妹家寄居白浪  
河上茅舍一椽藉蔽風雨逮癸未汪侍郎鳴鑾視學山左屏騶從訪焉談次縷述說  
許氏學心折周其貧以金辭許爲請獎秩以顯之辭留金爲寫書費並允爲校刊諸  
書乃起謝顧傭工抄錄所著書近三十卷時閱三月力疾校讎付族孫鎮彝上之汪  
會汪以譴歸里而書遂不果傳矣慶歿年七十餘病且殆以遺稿悉付友人王承吉  
歿王爲募貲啓妻劉竈爲合葬焉墓在城西南官家莊西里人每多王氏之篤友誼

云 郭慶感舊集濰縣金石志敘  
榆園雜錄郭氏家乘採訪冊

義行

生不得達而行之天下而於事之所當為力之所能為誼之所不得不為者能勉為之惠澤足以沾溉一鄉一邑亦有足稱焉濰縣雖僻在海濱而素號文物富庶之區貴而立不朽之業者不少矣富而好行其德者尤多亦足令人沒世而不忘也茲撫舊志及採訪所得見聞所及者著於篇

明宋友亮 韓鑑 劉潤 宋豹 徐從謹姪尚問 王邦寵 清郭棟子耀章

郭岷 李萬民 齊應龍 許廷弼 李珍 吳蘇 王應奎 崔世安 韓

勗 郎一鳴 郎淳 王學英 王儼 陳尚志子汝梅孫陽旭陽和陽敷 周文奎 劉

方慧 龐許 韓姓 魏序周 丁泚 田廷琳姪穎 劉沼 張景儀 張性

譚汝通 于芳 王雲峰 丁克成子廷選 魏希亮 陳迪聰姪孫毓琦李琅

丁廷模 丁廷舉 丁廷珍子善慶善長 王琅 劉琅 張希有 楊玉相 丁

濰縣志稿

卷二十九 人物 義行

十四

廷華子培 高其緒 郭豁巖 劉文典 高夢麟 田恕聰 田起嶠姪鳳聰姪元孫

智楨 柴墉弟壇 郭譽 郎維翰 郭簡之弟康之 劉魁發 朱若杜 李豐

褚景周 吉芳蘭 陳崧甫子恩繹 丁彝龍 丁彝厚子肇吉姪敦仁 陳迪誥

劉文用 蒯麟生 田名佐 韓藝 劉文煜 李文秀 徐金相 陳峻峯

姪嵩齡頤齡修齡姪孫淑荀 于恆太 李寶善 于振舉 曹心傳 劉漣 陳阜 張

仔 于青林 于占鼇 王致翔 丁象儀 扈振南 張安和 龐樂文

曹克聰 張振高 楊靈芝 徐連鑣 張曰桐 丁毓庚弟毓麒 房思魁

張守典 辛可選 丁建初陳象昂 劉毓麟 譚應祿 柴兆麟 民國胡玉

瑤 于振鐸 李慶吉 張世俊 管錫侯 譚友麟 胡曰漢 梁和中房月

庭 孫琦 孫曰聰 孫連鳳

明宋友亮石溝河莊宋氏之一世祖也素封當元季歲歉乞貸者盈門友亮欣然施

與未嘗質券責償迨至正間北海盜起擄掠焚燬不堪遐邇感其德終無有犯之者韓鑑濰民也明初以濟兗東三府密邇京畿土肥草茂敕太僕寺令地方孳養馬匹以修牧政至登萊青三府瀕海斥鹵不堪牧養特別加增額外錢糧以抵之免養馬以示體卹載在會典奉行多年永樂間有並六府均派之議幸陽武侯薛祿奏准停止隆慶時又議均派鑑復稟呈上官奏罷之

萬曆萊州府志

劉潤字永滋號東埠性質直不媿阿徇人里中呼爲長者雖隱于農商而雅好史籍尤精星數人叩之多奇中衡水楊宜來宰濰欲以邑事諏諸正人得潤喜謂可藉以扶弱抑強終其任邑事卒依潤以辦又急難恤窮尤加意族屬姻戚外祖姑韓外祖姨李皆孀居無嗣爲存養終其身清節賴以完死則葬令節則祭宗人松及母死孝及其父母相繼死又子婦之父死各不克葬松孝之子女各不克婚嫁潤皆厚予資襄其事無德色年七十六卒以子應節貴贈兵部尙書

劉氏家乘

## 濰縣志稿

卷二十九 人物 義行

十五

宋豹字子武號一泉石溝河莊人少業儒一日擲筆奮聲曰吾安能事此毛錐技哉遂請諸父願退服吠畝遣諸弟就學父從其言而一切擇師購書之費豹乃厚佐之不少恡於是弟繼商繼先繼魯皆樹聲藝林巍然負青雲之望比繼先晉職銀臺欲爲捐納冠帶豹笑曰貨得衣冠孰與我布褐榮哉卒辭不就顧好施家貲饒裕夙雄一方每當春冬之交及歲荒歉鄉之人無間遐邇填門求貸者悉一一應之不厚索子錢其有不能償者輒爲折其券姻舊里黨有婚葬不舉者厚賙之是以終其身無少伏梁遺縑之警年五十有五卒

劉應節明處士  
一泉宋公墓表

徐從謹字幼恭號繼溪禮部儒士少事詩書壯學賈雖牟利非其所長而銖積寸累資之以爲善卽重修玉清宮一事人到今猶嘖嘖稱贊不已先是宮殿傾圮蓬蒿沒人從謹慨然曰神仙之事儒者所不道然獨不可因其地而善用之乎乃獨輸貲修之復割上腴地易宮前地十餘畝植柏五百餘株躬親畚畚以事澆漑爾時與其事

者爲其堂姪諸生尙問役甫畢語尙問曰此豈余志哉余所云因其地而善用之不寧惟是之解渴滌暑爲也余欲於宮後建樓四楹道釋二莊貯西楹經史子集貯東楹中建置書院一區招致淹雅通明之士與夫貧而好學不能自業者講肄其中更於郭外置田二百畝俾學徒薪米有所取給焉庶幾濂洛之風可興鄒魯之緒不墜是余之志也所謂因其地而善用之者此也彼神仙之說事涉渺茫縱點綴粉飾第供一時美觀而已又足云乎乃志未竟而尋歿邑人程起燭等追思善行爲樹碑北郭外地藏王廟西南道左

劉大紳徐公德行碑徐尙問植柏玉清宮誌銘徐氏家乘

王璫追思繼溪徐公德惠碑

自昔擁厚貲而稱素封者非不知懿行可尊美名足羨也特薰染於利慾不違察耳以故往往疎骨肉而親便辟捐故舊而厚新知使倉腐貫朽而不忍貸人一粒一錢者致親知怨望於家細人謗讟於道而有所不惜生前如此安問歿後乎若繼溪徐公則異於是公諱從謹別號繼溪吾濰之望族也世有陰德至公尤篤厚謙和雅致致恂恂雖隱於商宛若儒生然精心淵識洞計然猗頓之計以故不數年而累致千金乃喟然嘆曰馬伏波有云凡貨殖財貴能施賑否則守錢虜耳於是退本支族黨內外親故貧寒婚喪靡不竭力周急見有心計者

## 濰縣志稿

### 卷二十九 人物 義行

十六

本以資之疲癯者藥以起之每委婉相濟使各履其欲以往不少吝惜亦毫無德色出其贏餘凡廟宇神祠琳宮梵刹植松輿梁捐貲整葺孳孳爲之不可悉數卽玉清一宮獨費至三百餘金使靈境仙蹤煥然改觀而口不言功縱有道及之者但唯唯遜謝而已劉子駿所謂知蓄積善布施公非其人耶若以釋氏之說論之其廣種福田爲何如者惜年未及中壽而歿識與不識無不悲悼悽惋而痛善人之不復見也公今謝世已閱三載矣而里中罷市息春之衆愈切西州峴山之思乃謀立石道周表厥懿行人之秉彝好是懿德豈虛語哉相率乞予一言以闡揚之其以予素無過情之譽乎念公與吾婦翁爲雁行久悉其行誼而心折之昔曾爲之請於邑父母給以冠帶匾旌其門不謂哲人旣往春秋屢易而里閭之惓惓不忘如是然公雖亡吾不謂之亡也予烏得而不勞筆墨哉詩之無言不酬無德不報非是之謂乎有子曰尙乾能梯公之德必將大其家也已矣吾故樂書之不特慰衆人好善之心亦以彰濰俗之厚且以爲世勸也嗟呼公以韋布而處閱闡能令人沒世不忘之如此非義襲而取之也明矣儻爲人上者心公之心事公之事則燦獨無告之衆庶有瘳乎其尸而祝之者又不知當何如也已因並及之俾觀者有感焉是爲記

王邦寵號南泉墳莊社人家不中資而好行其德凡戚友婚葬急無不周鄉鄰爭鬪罔不出爲調停村西河津每冬率子弟架橋以濟行旅未嘗後期三十喪偶終身不娶鰥居者四十餘年有陳元方之遺風焉萬曆間鄉人舉於校校官旌之一則曰義

夫一則曰善孚一鄉

昌邑宮從龍南泉  
王公善行碑記

**渭**郭棟字掄升精岐黃術所全活不下數十百人尤篤於睦族慷慨識大體屢督大工役事無不辦子耀章字景文知辰州事乾隆中征緬軍與辰當軍行要道棟寄書勉以忠孝雖破家無慮事平計賠數千金耀章亦以勤勞卒於任

韓縈緒郭公  
掄升家傳

郭崐字映辰號西峯由廩貢生考中翰例遷主政康熙辛丑授戶部江南司次年司賑東城皆得其當會江淮災請賑同官以戶籍未聲明擬駁崐曰嗷嗷億萬口將何堪此文移往復卽日具稿以呈怡親王閱之嘉其愷切有戶曹第一之目

郭氏  
家乘

李萬民字熙績邑東木村人康熙癸酉歲貢明末避亂夜投荒村有女子欲委身焉堅拒之又嘗遊閩臥病臨安旅館聞隔舍婦人啼甚哀館人告曰其夫死舅姑欲強嫁之而婦不從乃召其舅諭以大義並贈以金曰得此可全爾婦節矣卒年七十有六所著有懋齋詩草

### 濰縣志稿

卷二十九 人物 義行

十七

齊應龍世業耕讀足跡不入城市天性篤孝恤貧調急有范公麥舟之誼排難解紛有王烈遺布之風

許廷弼貢生義篤手足撫養寡居弟婦收養饑民呂貴四口名列旌善坊

李珍幼失怙事母孝近村有白狼河倡率修堤長二十里許本村橋梁亦經其倡修以便往來

吳蘇字景三邑庠生少孤事母克敦孝行家貧力學獨行犛犛自立門戶數奇不偶晚年始補博士弟子員急公尚義名播遐邇督建節孝祠助資落成文廟關廟孔相祠俱捐款倡修忠義節孝兩祠木主毀壞悉爲重立有齊姓者貧而無嗣收養四十餘年爲之過繼成嗣有裴姓者貧窮莫歸養之二十餘年爲之扶立成家雍正八年歲饑見窮民有賣妻鬻子者卽給以貲本粟米藉以完聚者數家子三皆諸生孫十長璋丙辰舉人餘俱業儒人皆稱爲善人之報

王應奎武生義重手足撫養孤姪成立好善樂施助窮戚完婚所買義子使歸承祀契婢不取身價遣歸其家名列旌善坊

崔世安者海南村落人也其北近海二三十里蓬蒿曠莽遠近之人咸於此取薪雍正五年十月朔三日有取薪者千餘人忽值颶風驟作潮水湧至雲雨瀾漫如黑夜人方號叫莫知所向世安望見海氛甚惡北望驚嘆曰哀哉此中人無命矣急令其子取火爇所積薪以招之或謂此終年計一家恃爲命者救人何自救曰不然吾家命在他日若等命在目前卒爇之人遙見火光遂投之積薪既盡人亦得以畢至焉

其子名敬舊志

韓勗字勉齋少失學天性孤峻迥不猶人嘗遇胠篋者其人惶遽求釋勗從容謂曰汝但苦饑耳贈一飯之資可乎竟予之錢遣之及其病之憊也力疾叩故人門攜錢數緡償其夙負下及黍積絲累之德靡所不酬至負債於己者雖子姪莫得聞知年

### 濰縣志稿

卷二十九 人物 義行

十八

八十六歿

族弟鎬勉齋兄傳

郎一鳴字次生賦性敦樸樂施與鄭燮令濰時修城垣建橋梁及邑中一切大工役慨然出倍資爲衆倡以是令重其爲人贈聯曰爲善無不報讀書當及時郎氏家乘

郎淳字樸菴父紹周武庠生母裴氏均早沒淳撫異母弟澍泳等成立淳性好施予乾隆中歲大饑散粟數百斛以濟窮乏賴以生活者數十百家邑有某甲三世依淳家生理負債纍纍不能償招至家立焚其券其人叩謝去郎氏家乘

王學英字漢三流飯橋人生四子家素封而敦善行偶有保定某御車行經其門馬逸車馳覆軋其第三子須臾氣絕某倉皇無措學英曰此兒大數於客何尤其速行某長跪聲謝恐有變迂道歸至家爲立神牌供奉之不知名但題曰王善人之位云後壽光董作肅孝廉公車北上過保定下車問道適問之某鄰鄰知孝廉與濰地接壤因詢及王善人事孝廉曰此吾姻家王漢三也今猶敦善行弗怠某鄰馳告某某

喜邀孝廉至其家具鷄黍訂交預買一僮介於孝廉卽以僮來爲之服役學英善視之若已出命名曰補爲擇婚良家傳子及孫焉

魏延之王善人傳

王儼字畏之流飯橋人性剛直人有過失必面折之顧好施予遇義舉輒慷慨解囊無吝色乾隆初知縣鄭燮與友善每至鄉必造其廬訪問民間疾苦儼直言不諱以是鄭深器之及致仕歸書留別詩以贈

陳尙志字素貞捐職州同北門裏人父亮采增廣生居館授徒每不足於給時方受學退而歎曰士人讀書以希榮親顯達未可必且一貧至此遙遙者尙可待乎遂輟業服賈以養素不工心計然貿易輒盈其息若有陰相之者十餘年稱素封矣家既裕不吝於施邑中凡有大工役靡不慷慨納貲前後修補西北隅石城修學宮修文昌祠多賴其倡捐多金邑令賴光表鄭燮甚器重之平居教子孫以義行爲急務故季子汝梅字嶺南參儒先舊議酌立遠祖家廟春秋以合其族孫陽旭建北城石樓

## 濰縣志稿

卷二十九 人物 義行

十九

陽和修濰陽書院陽敷與族衆纂修族譜出資刊板以敦族誼皆恪守遺訓云乾隆

二十一年年八十有四卒

宋書升陳公素貞家傳

周文奎號淡叟監生性剛直輕財好義凡邑中修城池及學宮廟宇道路橋梁諸巨工悉與其事不辭勞瘁城上文昌閣多年失修又糾同人出資修飾之甲午王倫之亂又出勸邑之殷實者捐資爲備禦之具又精醫每逢瘟疫盛行時必廣施藥餌以活人年八十九卒著有淡叟晚集

劉方慧字瑞徵邑增生城裏人明濰北鹽場大使証六世孫也家素封性喜施或有人以急難相告必予重資人窺方慧樂助人急也雖無急亦告方慧不知人之給己也每告必予告者無窮而予者有盡始則典質以加息終則棄產以償負至產盡乃

止濰人稱曰癡人保債

劉氏家傳

龐許南高里社龐家莊人財產甲一鄉性好施與乾隆十三年濰大饑出粟四百餘

石散給族黨春秋農作慮貧乏者無耕牛則繫已之牛馬於場圃備族隣借用其積薪復聽其取攜不責償村東大圩河舊有草橋河水暴發往往衝決許提倡易以石橋首先捐錢數百緡不數月而巨工告成整飭海防道兼管水利事務熊繹祖贈以無忝民彝匾額

韓姓朱馬社韓家朱馬莊人天性篤孝樂善好施凡族黨親戚婚喪不給者必竭力資助一日在園中拾白銀二千兩及皮篋一具亟回家謀之母張貼招領月餘無耗遂將銀及篋呈縣公布招領以期物歸原主縣令毛韶芳嘉其誠愨于乾隆二年題贈慈訓還金四字以表揚之又越二十三年卒

魏序周溫莊人息訟解紛抑強扶弱里人咸德之

丁泚胡林埠人家小康天性淳厚好善樂施農忙時門外常設一車兩牛專爲貧無車馬者借用嚴冬積薪場圃置雙齒鐵具數柄於其下以備行旅乞丐及貧無爨薪

## 濰縣志稿

卷二十九 人物 義行

二十

者恣其取攜偶有丐盜其一柄路人識之曰此丁某薪下物也何忍盜此奪還故處盜者大慚旋踵謝罪泚又婉言慰之去至今村父老傳爲美談云

田廷琳字林玉南屯莊人家室素封勇於爲義乾隆十五年邑城久失修知縣鄭燮倡諸紳捐資重爲補築廷琳暨姪穎捐修八十尺鄭令素善隸法爲書其事以誌之劉沼樂於施濟乾隆十一二三連年饑本里無流散皆伊力維持附居淮河西岸河水寬泛不下里餘出己財獨成橋梁至今過者指曰此劉善人橋也

張景儀東關人性好言人呼爲張二嘜杜祥者亦東關人客都中卒其妻高氏與姑及三幼子居乾隆十二年饑姑令高更嫁景儀遂聘焉及歸流涕不已詰之對曰吾姑老子幼貧故至此非願也張曰如此可急歸高以聘金爲言曰吾不汝索矣且自今有急可遣告更齋汝高涕泣拜謝歸

張性孝行素彰兄弟和睦三世同居有公藝風歲當薦饑合家茹糠節資濟困更於

每年冬月減食賑貧並設學教里中子弟

譚汝通字慧子東關人玉清宮年久傾頽知縣韓委其修葺九閱月而工竣韓嘉其誠贈以行修德建匾額白狼河流經城東迤北有橋曰大石橋亦軌轍崩缺君獨力修治以便利涉次南小石橋尤市廛之所傍居屢修屢陟知縣李委董其役洎功訖費贏貲絀旁觀斂手汝通曰是吾任也於吾取給可矣其輕財好義類如此

于芳字蘭亭灶戶孫家莊人家小康性情慷慨善處鄉黨遇有飢寒困苦者必竭力補助之里中子弟咸加愛敬焉

王雲峯字墨嵐監生嘉慶時客遊高密捐穀施飯助修城垣高密知縣秦申請東撫托贈匾獎勵並目爲德儒云

丁克成字澤遠捐職都察院都事善治生資雄一邑布衣疏食若寒素見義則推解不吝嘉慶壬申大饑捐鉅金施粥全活數萬家道光丁亥邑歉收設賑局按分族中

## 濰縣志稿

卷二十九 人物 義行

二十一

貧者城東石橋壞倡修之丙申又大饑克成督諸子施粥染疫歿臨終謂次子廷選曰城者一鄉之衛今多坍塌癸酉余曾任修築仍不完整思賑畢續修今恐志不逮汝後當捐千金以成吾志丁未廷選遵遺囑行東撫陳奏聞奉旨建急公好義坊克成未娶時婦翁言女已瞽請他聘克成執不可卒迎歸相敬如賓里黨咸高其義廷選字聘三號掄堂附貢生候選同知慷慨好義於公益事必偕兄弟首先捐助人咸稱善承先志云

鄉土志

魏希亮魏家溫莊人精醫術瘟疫流行時希亮沿戶診治雖勞不倦施藥貧家不取分文里人每有舊嫌宿怨得其一言卽解四十餘載村中無訟者

陳迪聰字穎思生時父歿已逾月生平每以不得見父爲憾偶與人言及輒涕泗交頤性坦率好施與自宗族以及里黨恤難救災如恐不逮其功德尤在學校維舊有金復二衛學後裁撤迪聰集同人李琅等請於學使人奏得增額如舊士林感激共

製匾以贈之嘉慶辛未濰大饑倡邑人捐資巨萬以食餓者癸酉滑縣亂山左戒嚴又集邑人繕完以備道光辛巳改建節孝祠迪聰及姪孫毓啓捐助二千餘緡其以桑梓爲己任者類如此教子務延名師凡四方名流過境必敦請至家肅具觴豆以故諸子多顯達李琅字敏崐存心仁厚捐資放飯修橋不辭勞瘁亦鄉善士

劉鴻翱誥授奉政大夫布政司經歷陳君暨德配譚宜人合葬墓誌銘  
吾邑誥授奉直大夫布政司經歷陳君既亡二年其子鳳翰以狀來京乞銘於  
余余按其狀不禁泫然流涕也悲夫自君卒後先君之知交略盡矣君諱迪聰  
字穎思號鶴亭系出穎川明初始祖大觀由滄洲官濰遂家焉祖諱汝泰地封  
奉直大夫父諱陽舒地贈奉政大夫祖妣時氏妣孔氏皆封宜人君之生父歿  
已逾月節母教養至於成立君既長由邑宰上達請於朝得旌表先君嘗曰君  
每言節母茹荼飲藥之苦未嘗不泣下也先君又曰君陳氏之勞人也敦睦宗  
族恤難救災如恐不逮堂兄迪光早世君撫其子學羣學羣又不中年君又撫  
其幼孤毓啓覆翼三世蓋三十年如一日先君又曰君陳氏之厚德人也親戚  
日待舉火者數家寒峻一謀面春秋兩試必饋贖或謁選赴任艱於旅費則倒  
囊以助其不吝如此君功在學校濰舊有金復二衛學後裁撤君集同學請於  
學使入奏增學額紳士共製匾額以贈君是役也先君實與其事辛未濰大饑  
君倡邑人捐資巨萬食餓癸酉河南滑縣亂君又集邑人繕完以衛桑梓先君  
已不得見矣先君落落寡合素封之家雖親串不多往來獨親密君余師韓理

### 濰縣志稿

#### 卷二十九 人物 義行

一二十二

堂先生德行學問爲鄉黨望暮年與君稱接洽高覲甫先生以宿儒與君至契  
君家有小園亭疊石爲山跨水爲橋每當花朝月夕先君與君同諸先生讌集  
其中猶憶余夜自塾歸候問先君起居鼓三下家人猶云在君家自己已先君  
卒時韓理堂先生已前歿數年今君又卒高覲甫師無徒寡歡獨居悲際俯仰  
身世之間老成遽多殂謝豈不重可慨耶君生於乾隆十四年七月二十五日  
卒於道光二年十二月十六日壽享七十有四君夫人譚宜人有賢行與君稱  
德配後君一年卒余重感於先君與君相交之故故於譚宜人之事略而不詳  
也子六人長鳳翰譚宜人出嘉慶甲戌科進士翰林院庶吉士改授廣東封川  
縣知縣加捐郎中工部都水司行走以覃恩晉封君奉政大夫夫人爲宜人  
次鳳彩鳳階側室李孺人出鳳彩貢生鳳階嘉慶癸酉科拔貢江蘇荆溪縣知  
縣次鳳藻鳳桐鳳翎側室金孺人出鳳藻貢生鳳桐鳳翎俱業儒女七人乃係  
之銘曰君之德富而好施先君之知余以銘之垂來茲

丁廷模字倫楷克成長子進士官工部都水司郎中席父蔭家素封好施予戚族中  
貧不能學者爲延師具膏火其婚嫁喪祭不能辦者助以資老病無依者給以米一  
時內外親待以舉火者常數十家歲除日計餘糧盡以分給邑中貧民道光丙申以  
養親假歸值邑大饑捐三千金設粥廠放簽放飯皆身親之春末疫大作廠中病死  
相枕藉乃捨藥餌施棺木日無暇晷竟以積勞染疫卒知縣李上其事由疆吏聞於

朝奉旨建坊庚戌知縣何以行誼上詳奉旨入祀鄉賢祠鄉人諡曰文惠

鄉土志

丁廷舉字慕誨克成三子京闈舉人官刑部主事晉兵部郎中以親老歸養里中凡有義舉罔不捐資以助之又設義塾延師教貧人子弟嘗曰子弟不知儉則無以惜福若有財而吝於義是擁羣衆之饑寒而以爲厚資亦何忍乎且非我先人留遺意也抑人之成立必以學設塾則人知嚮學儻有因此成立者相引曰多我子弟異日見之庶知學不可廢而生其愧勵焉值歲歉施粥濟餓者

鄉土志傳丙鑑丁郎中傳

丁廷珍字致堂克成四子例貢刑部郎中道光丙申濰饑偕兄捐資煮粥活人無算東城外有萬年橋俗名大石橋而登萊通衢舊用西山石石隳易壞廷珍以父嘗修之欲竟其志乃易以平度東山白石平度去邑遠運費鉅廷珍獨任之且飭子孫世任修砌咸豐辛酉太平軍東來廷珍先事倡義捐資籌防督造守禦器械凡七年不辭勞瘁縣令張每語人曰辦團練如丁某司牧者高枕可也光緒丙子大饑子善寶

## 濰縣志稿

卷二十九 人物 義行

二十三

善慶善長遵遺命輸金捐賑東撫文奏請建樂善好施坊善寶自有傳善慶字壽臣善長字心臣均精繪事師事掖縣張士保善慶尤雅好博古

鄉土志張昭潛丁公致堂傳

王琅字次琳都家莊人性孝友品行端方道光乙未貢入成均精岐黃業著有嬾科幼兒科要旨未梓行好善樂施蒙師壽光何宴昌既老且貧板輿迎養卒乃購備衣棺爲之營葬諸子業師齊延慶東關人也解館後歲常餽問冬必遣遺棉衣終其身道光癸未歲饑同里玄啓隆以貧鬻妻既就道矣聞而力阻之亟賙以粟米並資之錢帛俾營生業夫婦始得完聚至今生齒繁衍鄉人高之

劉琅字玉章捐職鹽運司運同慷慨好施辛未壬申邑饑琅與邑紳謀出錢市米爲粥以食餓者丙申再饑亦如之癸酉秋豫東不靖衆議修城以資捍衛而所費不貲琅傾囊佐之以爲毀家紓難古人有行之者又南城譙樓廢弛有年知縣王天錫謂宜重加修飾琅皆出資並督工不懈

李湘菜玉章劉公墓誌

張希有字東圃常曠莊人性勤儉人以急難告靡不應道光丙申歲大祲道殣相望希有出積粟貸族人後皆不受償里人感其德表其門曰齒德俱尊

楊玉相字潤軒道光辛卯舉人選授魚臺訓導甫二年以親老告歸教授生徒讀書務求實用恆以濟世爲心在魚臺時公車北上見廣東會館保嬰局施種牛痘法甚善乃覓嬰兒十數輩同其父母載以車不遠千里親攜入都種痘接漿歸設局佈種廣儲藥餌延良醫司其事二十餘年全活童男女十二萬有奇迄今邑人士猶踵而行之又置義塚二所俾族衆貧者得以葬遇賑荒興築諸大役捐輸無少吝道光十六年饑疫並作流民道斃者施棺槨爲掩埋焉邑應童試者多至千餘人每縣試於署中覆席爲棚遇陰雨霑濡無異露處公乃於咸豐二年出資創建考院躬親督理不辭勞瘁越兩載工始竣統計所費共四萬緡十年辦理團防捐造銃礮數百件次年南匪北竄公已抱病不起猶諄囑其子錫蕃以保衛鄉里爲亟亟尋卒鄉諡文惠

## 濰縣志稿

卷二十九 人物 義行

一二十四

初公受業於鄉賢王緒遠先生之門講求身心性命之學孜孜不懈自魚臺歸猶執經請業於王先生咸豐紀元邑令何舉公孝廉方正公遜謝不就論者尤多公恪守

師教云

鄉賢傳

丁廷華字輝陞號春塘附貢以例爲工部都水司員外復晉秩郎中未補缺告歸爲人端方和平存心愷悌篤於立品事親以禮撫弱弟教養兼盡待族人恩義周至施義田爲族葬設義學爲族教歲祲則計口施食俾族無饑者凡邑有公舉無不出貲助成朋友困乏則賙之道光乙未秋收歉廷華已臥牀謂其子曰歲飢邑中必有公賑吾必於公分外多出貲以多全活翌年丙申邑令李恩霖議賑事時廷華歿已三月其子垣培遵父遺命首捐貲二萬緡以爲倡而後闔邑自一萬至數千數百數十遂無不捐者蓋廷華有以感之也鄉人私諡曰慈惠其子培字厚田幼承庭訓勇於爲善丙午邑中施粥放簽放飯皆身親之因積勞染疫卒邑令額其門曰樂善傳家

劉鴻翱丁春塘先生小傳

丁君春塘余內子無服族兄也捐員外郎工部行走一弟庶出家巨富父權子母負欠者衆父卒春塘家居計畫十餘年乃得完嘗謂余弟幼余不能不力若長問父遺產余何辭以對生子三人年過五旬始析居弟念兄之勞以三之一讓於兄戚友善其兄並贊其弟病危值歲大侵遺囑其子捐制錢萬緡賚賑紳富相繼輸是歲饑而不害今年庚子科余在雲南藩署閱山東題名子名垣得中咸謂春塘救荒之報天道不遠矣

高其緒字星街世居西關以廩貢生任曲阜教諭訓迪有方士林稱頌性情慷慨遇人有急難力能爲之無不相助道光壬辰邑侯王天錫倡修書院其緒偕諸紳富醵金繕葺鳩工庀材累月始成繼復重修城垣慨捐千金蒙撫憲奏獎賞給急公好義匾額一體建坊

郭豁巖酒人也亦喜詩文不苟取重然諾有族姪銘夏者無父母兄弟妻亦早亡貧乏無生計欲從官族人湖北而子女五人無成丁可託託豁巖而行行後其長子不

### 濰縣志稿

卷二十九 人物 義行

二十五

能立門戶豁巖鬻其房屋宅價存官家除己旁舍居之以便約束一切用度量入爲出至細至纖日記必載歷七年如一日又其二子不廢詩書初爲其長子授室繼嫁其三女迨幼子年漸長忽爲匪人所誂口出不遜謂不屑寄人籬下豁巖無如何亦曲從之終日歛歔若有慚於季布之諾云

劉文典字徽五道光癸巳進士內閣中書居鄉和平多善行邑人德之大吏爲之詳請敕建樂善好施坊

高夢麟字石卿道光壬辰舉人任江西分宜縣知縣後攝饒州府篆於咸豐元年濰邑重修城垣捐銀一千一百兩爲紳士倡經巡撫奏請蒙恩加一級紀錄一次又以董事出力再予加一級

田恕聰字心如原任大理寺右寺丞候補郎中世居南門大街迤東有石佛寺而萬壽龍亭在焉歲久傾圮不足以昭整肅道光辛巳恕聰由京回籍慨捐巨款獨修大

殿其生平輕財好義類如此

田起峯字瞻若濰之巨族也重義輕財名高閭里道光辛巳邑紳改建節孝祠起峯捐錢二千緡有奇以成盛舉堂姪鳳聰於壬辰歲重修書院復慨捐千金爲之倡首仰荷綸褒從優議叙咸豐辛亥其姪元孫智楨亦以千金輸助城工蒙禮部奏獎議叙鹽知事職銜事關桑梓疊出巨費洵可謂世濟其美者矣

柴墉字次垣附貢蘭山訓導墉家頗裕每逢科歲試獲雋者贄禮拮据則自行量爲豁免蘭山節孝祠傾圮又捐俸同邑令重爲修葺尋署沂州教授弟壇字畿封廩貢選泗水教諭其居鄉凡修城賑荒皆與兄墉輸貲恐後

郭譽字榕村恩貢生品端學粹鄉黨推服咸豐十年邑中分隅辦團推譽主西南隅設局募勇旦夕訓練紀律嚴明十一年太平軍至各團出戰留譽城守晝夜巡防伺敵經過之處燃巨礮轟擊敵始不敢逼近附郭居民胥賴以安

鄉土志

## 濰縣志稿

卷二十九 人物 義行

二十六

郎維翰字瑞周父穆好施與維翰承父志遵行不怠咸豐四年沿江各省軍事方急邑籌防禦事維翰輸財爲多十一年衆議創建城西北空心礮臺復出私財八千緡以竟其功工訖與東南西南兩礮臺相爲犄角以故邑境數遭兵燹而城賴以全郭簡之字心臣夢齡第三子兵部郎中性慷慨有幹濟才咸豐辛酉獨創建東南隅空心礮臺所費數萬緡毫無吝色太平軍過濰數次卒以城中有備不敢稽留以去邑人感之季弟康之字錫侯廩貢生心誠樸凡邑有大工役恆身任其艱不辭勞瘁

鄉土志

劉魁發字揚庭東芝莊人天性孝友急公義樂施捨兄弟三人早孤貧不能自存兩兄議析產各謀生理魁發特毅然以養母自任矢志自立拮据終身卒成家業因招致兩兄友事之收諸姪教養之自憾幼年失學因出鉅款設立義塾聘請名師任鄉里之無力求學者入校不取分文鄉里有婚姻喪葬不能自給者補助之求取告貸

者周卹之鄉里感德爲之奏請上憲賜以品重鄉國匾額晚年子孫繩繩家庭康樂  
壽八十二無疾含笑而終

朱若杜字敬棠世居流河村咸豐辛酉春太平軍東擾若杜發粟賑貧聯衆自守使  
丁壯居外老弱居內婦女又居內凡各村之來避難者悉安置得所軍去後復慮其  
再至卽在村北築圩以待之及秋軍果至全村賴以無患又倡率村民築圩環村購  
置防禦器械同治丁卯捻大至縱橫境內者七閱月卒賴以安堵焉凡虜獲居民必  
脅至圩下易以馬或錢粟則釋之貧家子之陷於捻者其家人向若杜號泣卽慨然  
捐錢粟贖買馬以贖之晚年舉鄉飲耆賓子二夢齡夢蓉皆諸生有聲庠序間  
李豐字博施流延社李家莊人咸豐辛酉太平軍入境豐赴莊北二里許龍泉山上  
糾集鄉人組織友助團按戶抽丁築圩自衛由是各村虜集羣推豐爲團長制械練  
兵屹然爲濰東巨鎮故太平軍及南捻兩次傳堡皆擊退之署理縣事靳昱詳請獎

## 濰縣志稿

卷二十九 人物 義行

二十七

豐五品頂戴並贈以德蔭桑梓匾額

褚景周字鳳岐號濰西路家莊人少力學家貧棄儒爲縣吏司禮書捻匪東竄捐貲  
倡修村圩歲癸丑楊玉相捐建考棚一時勸助材木多景周之力邑庠增廣額數又  
上下往復不憚勞瘁以成此公益歿後里黨顏其門曰鄉國流芳

吉芳蘭字鄭香下密城人幼好學尙道德重實踐不徒孳孳於文藝最致力於社會  
公益事成豐十一年捻軍北擾芳蘭乃身任團練事相高陽埠之地勢周築圍牆曰  
仁義團避難其中者四十餘村皆賴以無恐同治末又以爲大亂之後必有凶年遂  
又倡辦社倉按季積穀及光緒丙子歲大饑貧民賴以全活學使汪贈以德周桑梓  
匾額光緒七年巡撫丁寶楨修戰守之具於沿海一帶徧植樹木芳蘭首倡義舉宵  
旰經營不數月而功竣寶楨嘉焉爲奏請賞給五品頂戴卒於光緒十五年壽八十  
一歲十三社公爲立德思碑於墓道以旌之

陳崧甫字蕙堂迪恪次子附貢生安徽候補知縣咸豐末其父奉晉撫委辦潞澤團練知南軍又將北犯也諭崧甫以保護鄉閭爲亟崧甫適寓居安邱景芝鎮詣伏家莊收租乃糾集村人孫純嘏等議築土圩以自衛該莊南北二溝礙難修築乃於莊南獨捐已地十三畝有奇又借諸城王恪齋毗連地七畝有奇共二十餘畝擇吉興工時庚申年六月也鎗礮子藥捐之隣人版築工程則偕之鄰村至所有一己之樹株則概行斬伐作圩門築版等用明年工甫就而南軍至矣練勇最驍者孫樂 隻身出探適遇哨馬四五乃挺身與鬪樹棍起處五花八門連折彼二矛並掃及馬足由是太平軍不敢近土圩一步隱然爲景芝一鎮之左臂比劉軍門軍至嚴始解獎以職銜辭不受光緒丙子歲歉遂詣莊僑居焉庚辰歿因卜葬圩內子恩繹字筱蕙監生三品封典民國五年歲歉有不知誰何之人糾集村衆倡言借粉濟饑勢甚洶洶恩繹中下戶耳聞耗出語衆曰余家有倉粟若干諸隣急余安忍獨飽耶遂出一

## 濰縣志稿

卷二十九 人物 義行

二十八

倉粟賑之兼與隣富約粟儻不敷分佈可稍稍出以佐我由是隣人合爲然從之無饑者亦帖然無敢蠢動者歲甲戌諸城高密安邱三縣紳耆爲其父子述行表德刊

碑墓上崧甫鄉諡恭勤恩繹鄉諡貞惠

安邱劉鴻綱陳恭勤先生功德碑  
海寧章授陳貞惠先生墓表

丁彝龍字雲藻廷模子監生候補光祿寺署正咸豐間南方倡亂邑侯蔣遵撫扎飭辦團防彝龍首任其事募三百人每名授餉外另有贍給冬給棉衣夏給雨衣人人感奮一以當百比辛酉太平軍東犯直抵濰境邑侯張分濰團委彝龍長東北隅二月二十日軍逼近夜五鼓彝龍整齊部伍率以出城勵以忠義無不爭先殺賊嗣以陳太守介眉遇害彼衆數十萬蜂擁而來彝龍知事急乃偕弟彝厚與陳庶常傳奎率三百餘衆爲殿且戰且走得入城然此一役也已殺賊無數生獲至三十餘人比進城避難者號寒啼饑滿街巷皆爲之措置有方如未受驚者計十餘年來彝龍辦團費數萬金同治元年遘疾歿時年四十有七云闔邑爲之隕涕易名曰勤莊東

撫聞奏請入祀本邑忠義孝弟祠

王之翰待  
詔丁君傳

丁彝厚字樸庵彝龍弟監生援例授太常寺博士慷慨好義有父兄之風同治壬戌彝龍以助饟練勇積勞卒彝厚繼兄總團務同治丁卯捻匪復入境鋒銳甚鄉勇自辛酉與賊戰失利人人惴恐彝厚乃發金犒士勉以忠義人皆奮厲賊屢薄城終不得隙而去一方賴以安事後大吏上其事加郎中銜賞戴藍翎後覃恩賞給三品封典子肇吉字惠之藍翎鹽運司運同加道銜恩賞四品封典性慈惠好施與每以善承先志爲己責邑中有善舉無不慷慨捐資以爲倡光緒丙子歲大饑官紳會議煮粥以食餓者肇吉首先與從叔善寶從弟敦仁共出鉅資設立東城粥廠親履監放春秋兩季全活無算善寶自有傳敦仁字子安太學生候選分部員外郎均富而好仁能繼先軌云

鄉土  
志

陳迪誥光祿寺署正職銜尙志曾孫咸豐庚申有亂耗邑中分隅辦團西北隅舉爲

## 濰縣志稿

卷二十九 人物 義行

二十九

團長出資募勇朝夕訓練比太平軍至各團出禦敵而迪誥與郭譽諸人晝夜守城

嚴緝姦細附郭居民賴以無恐

鄉土  
志

劉文用字襄平布政司都事銜封朝議大夫家素封性慷慨好施與里黨多被推解之恩咸豐元年重修城垣倡捐千金蒙大吏奏請賞給急公好義匾額一體建坊蒯麟生字祥徵道光間督修文廟兩閱寒暑不辭勞瘁功告厥成初大殿上梁人少莫舉羣以爲難麟生爲文揭之通衢定期舉行至日觀者如堵麟生突令闔門陳述緣由且勗以大義於是咸樂爲力事賴以濟人皆服其智慮

田名佐字星五號紫卿嘉慶庚子舉人道光丙戌大挑一等分發陝西知縣因親老以疾辭及母喪服闋親朋由關中函致謂到班有期可以赴補名佐性情謙退淡於利祿自謂無民社才不敢以迂拙誤國事遂終身不復出自上世家號素封好義樂施丙申濰大饑倡議放粥捐金巨萬大吏上其事議敘加三級房師徐冰崖以虧款

罷職困於省垣名佐奉贈千金始得回籍至於卹宗戚賙里黨修補城郭橋梁諸義舉無不捐資以助其成論者謂其慷慨施與猶有先世之遺風焉

韓藝字漱六邑庠生生平負志略咸豐辛酉春南捻竄入濰境居民洶洶逃避骨肉慘亡十室九哭賊既退東關起築隄之議邑侯張楷枝知藝能推藝團長總理其事藝毅然任之時甫經大創衆力奮興是秋賊騎復至靛壩垣漸起防禦甚周弗敢逼近越六載工竣同治丁卯賊大股再至相持兼旬無遇害者時劉莊肅公帥師來濰知其賢欲保薦之堅以母老辭大吏上其功賞給六品頂戴迄今白狼河東岸屹爲巨鎮保障萬家固恃監築者有諸紳而藝之力居多

劉文煜字星南候選知府生平利物濟人勇於爲義咸豐元年繕修城郭捐銀一千兩上憲奏准給予急公好義匾額奉旨建坊其嗣子漣字惠川咸豐同治間屢由急公錄敘得候選直隸州知州加道銜並蒙敕建善行坊其籌防設團施種牛痘煮粥

## 濰縣志稿

卷二十九 人物 義行

三十

賑饑諸善舉邑人尤感之歿後易名曰敦誠

李文秀小沼莊人太平軍役鄉里騷然率衆保衛一方得免於難又好爲人解紛以故附近村里無因事而致訟者

徐金相字麗生寒亭人同治癸酉拔貢國史館謄錄候選教諭未就職家居教讀循循善誘一時名流多出其門咸同間太平軍擾亂及濰金相預聯絡各村防範周備一方賴以安堵又樂善好施急公襄義所全活者多人歿後及門諸子及鄉鄰惓懷儀型爲刊碑二子三人雲龍雲峯雲起皆諸生能世其業

陳峻峯字湘帆中書科中書銜家計豐盈素性慷慨助捐輸濟貧困無少吝惜咸豐元年重修城垣倡捐二千金大吏詳請議敘加二級紀錄二次胞姪嵩齡都察院都事捐金七百兩議敘紀錄三次其堂姪頤齡光祿寺典簿銜從堂姪修齡暨姪孫淑荀亦各捐千金襄成義舉工竣之後頤齡奉旨給予急公好義匾額建坊旌表餘皆

議敘鹽運司知事銜趨事赴功出於一門樂善不倦之風遠近播爲美談焉

于恆太字次咸大東莊人咸同間太平軍之役濰東一帶大遭焚掠恆太倡辦團練數十餘村賴以安堵鄉人不忘其功特爲勒石曰保障功深

李寶善字性齋小河莊人家無餘資而樂趨公益有詣門告匱者卽素不謀面必加周卹同治六年春村人議修堡禦亂而地主多梗之寶善盡出家財分與各家一鄉大感月餘工竣同年五月八日捻匪擾亂闔村賴以保全比歿村人擻哭終日

于振舉字鵬飛高里社前闕莊人慷慨好義鄉隣有婚嫁死葬疾病患難貧乏不能自給者無不量爲貲助諸凡義舉輒爲倡首能排難解紛鄉里有爭端幾構訟者每得振舉一言而止咸豐辛酉捻軍東下振舉親督團練築土堡一鄉賴以保全同治丁卯軍又大至直衝其堡振舉麾衆奪二幟敵披靡去旣而其兄振翔出偵被傷仆地振舉方巡查見之大呼曰此我與兄共命時也急率團勇馳入敵隊扶創入堡兄

## 濰縣志稿

卷二十九 人物 義行

三十一

賴以免其見義勇爲如此東撫丁寶楨保奏議叙六品頂戴年九十三卒

曹心傳字德科橋西莊人性孝友好施與同治丁卯捻軍東下倡修土堡禦亂西北門地主傳某不願施地心傳出己地半畝易之其他修礮臺造鎗礮皆特別捐款以是月餘工竣一村賴以安全又精岐黃術活人無算行醫一世未嘗受謝儀一錢光

緒二十四年卒

劉漣字惠川城裏人性慷慨慕義遇事無退縮咸同之際烽火達東齊縣城迭戒募人精練以備緩急見者恃無恐其間籌芻餉繕器械修樓櫓前後費緡無算事平由候選直隸州獎加道銜光緒丙子縣大饑出金千五百倡設義倉舶於海轉粟以劑其價夏仍苦旱燠遂大饑饉諸有力者爲食於路漣粥最豐受哺者家以千計偶至青州覩流離狀劇於濰心尤隱之遂解橐助金二千以濟賑大吏嘉之請建坊其他修橋治道繕新城闕施醫藥痘漿諸善舉不一而足晚年病足簿稽出入悉委諸客

往往乘隙乾沒用是積耗日深遂致負逋巨萬而竟以憂戚終矣膠州柯劭忞云爲仁不富漉川有之論者咸是其言

劉氏家乘

陳阜字祐曾郡廩生介祺孫也少孤性孝友好施光緒二年歲大饑襄其祖賑施萬人擔粥八閱月如一日大吏奏聞特賞郎中其祖歿奉遺訓爲善益力十五年歲又饑施粥施錢全活無算至修書院立義學置義塚經濟善行名重一時福中丞潤委辦河防二十年中東之役李中丞秉衡委辦萊州團練福山王文敏公奏派會辦登州團練歷保至候選道邑中舊有考院嗣應試者多苦不能容獨捐巨資改建號舍十三楹邑人感德勒石記之

張仔字肩吾福建巡撫兆棟長子以蔭生任刑部主事光緒初回圍鳳翔兆棟官知府捍禦多方十五月圍始解時仔奉母康往道阻平陽期年辛苦備嘗亂甫定卽馳抵任所人咸歎其純行兆棟以守城功擢四川按察使累遷至閩撫仔里居奉母家

### 濰縣志稿

卷二十九 人物 義行

三十一

政井然每有工役咸出巨資爲倡甲午沿海戒嚴邑人羣謀招募鄉兵仔毅然建修城之議卒以衆意難違獨出資修西北角頽圯者粵產藥品最良省親廣州費千金購置之以備濟里黨道遇貧而疾者卽施之且周其困阨

鄉土志張氏家乘

于青林字松圃東關人慷慨負俠骨未弱冠太平軍犯濰卽能糾衆持刃拒之軍爲却先是湖北撫臣于蔭霖僑居吉林太平川已歷三世青林其期功親乃招致襄辦家務其族子壽臣亦在蔭霖家授讀年餘病歿青林乃代其子姓攜骸骨以歸俾葬濰塋隨蔭霖任多年矣不名一錢歷保至遊擊武職每語人曰所以僕僕隨宦不休者吾非慕富貴乃敦族誼耳比蔭霖歿乃告歸販布數年卒

于氏家乘

于占鼈字海嶠寒亭鎮人幼嫻武事入貲爲縣令尋以賑案升授永平府經歷丁父憂歸里時值庚子變後占鼈憫國弱民荼亟須開發民智漸圖富強而基本方策非興學以育才不爲功乃倡捐巨金於里門勸辦于氏兩等小學校培植青年附設師

範傳習所以儲師資事垂成而占鼇歿年甫及艾惜哉

王致翔字履九駙馬營人爲人公平無私堂兄弟七人治家內外嚴肅同居至百三十餘口光緒二十二年知縣李贈五世同居匾額

丁象儀字棣園諸生小河莊人性孝友慷慨多古人風設帳數十年皆以切實學問相授鄉里有急難者象儀至無不排解歲饑董賑曲盡其力撫憲文賞給樂善好施匾額光緒二十一年九月十日卒鄉諡文勤

扈振南字威遠濰北扈家莊人性喜讀又樂誨人訓蒙多年從不計束脩之有無以故村中無力者多沾丐其教澤兼通醫里中有紛爭得振南一言立解構訟連年者必多方爲之調和而後已知縣楊泣濰時挑浚小圩河知振南忠誠與之商榷再三工以速竣侯每以善士目之

張安和字保泰西高里社後溝人賦性樸實輕財好義莊西有白楊河當東西孔道

## 濰縣志稿

卷二十九 人物 義行

三十三

夏秋滄淖行旅苦之安和慨然自任倒篋建橋闔鄉感歎稱爲張善人橋云

龐樂文字仰西南高里社龐家莊人生平慷慨好義族中舊有先祠屢次修葺並籌畫祭田備春秋享祀之用莊東大圩河橋屢次傾圮樂文隨時督修以利行人捻匪擾濰率衆創建土堡一村賴以保全齊河饑民數百來村行乞又慨捐粟數石以賙之光緒十六年東撫張獎以樂善好施匾額

曹克聰字作謀北高里社橋西莊人性慷慨善爲人排難解紛鄰里有起爭端者克聰爲之別是非陳利害莫不心折首肯渙然冰釋家非素豐聞有義舉必踴躍爭先捐貲以助成之咸豐初年捻匪東竄克聰倡築土堡辦團練闔村賴以保全光緒十一年卒

張振高字嵩生性樸誠好遠遊在黑龍江倡辦漠河金礦又協辦俄羅斯一道溝礦務十餘年間頗獲巨資歸里後多義舉黑埠莊東小圩河石橋傾圮隣村屢議重修

未果振高獨力捐資修之又值年饑糴高粱包穀米百餘石賑濟貧鄰鄉人感焉爲表門閭

楊靈芝名毓秀高莊社東橫溝人急公樂善鄉人爲建一善行碑以表彰之

徐連鑣字伯陽寒亭人附貢生有善行鄉人旌其門曰蔭庇一鄉又爲立石以表彰之縣令宋朝楨暨儒學校官欽其德望皆樂與締交

張曰桐字鳳坡東院莊人業農少孤母李氏守苦節曰桐曲盡孝道爲母負米百里外無戚容村人某浼其子貸錢數十千後負不償債主激其子訟之曰桐曰無須爾彼果汝負吾家代償可矣又有族人某買村人田村人竊葬其子旁觀皆不平嗾使訟曰桐止之曰已矣彼無葬地情實可憫旣葬而訟之未必使改卜而費已不貲區區一塚所占幾何何若安之作一陰德事乎其事遂寢後舉鄉飲介賓於光緒十七年年九十卒孫餘慶舉人

## 濰縣志稿

卷二十九 人物 義行

三十四

丁毓庚字星甫附貢生分省補用道善寶嗣子性孝友年未弱冠累遭考妣及本生考之喪盡哀盡禮人無間言侍本生母陳病朝夕不離側歷五年之久不懈與仲弟毓麒友愛甚毓麒字仲甫附貢生中書科中書性謹慎每逢義舉必與兄盡力爲之比母歿而毓庚毀瘠柴立鬚髮皆白扶柩葬母泥深沒踝匍匐中淚竭聲嘶觀者爲之感泣丁氏數世以來樂善好施遇邑有大災祲必斥家財周濟之毓庚父歿時遺囑捐錢二萬緡爲諸生入學費毓庚甫出聖廬卽遵行之又設義塾三裨教育丁氏及異姓之學童光緒壬寅德人造鐵路經濰城外掘墓出柩累累道左毓庚惻然亟購置義田瘞之民國初濰饑三年又大水拯死贍貧民忘其災五年革命軍駐紮濰城又悉罄私橐以給軍饟不足則稱貸以益之故其卒也弔者塞衢巷哭皆失聲私諡曰惠恪先生

柯劭忞丁君墓誌

房思魁字得元東上房莊人少失怙事母至孝里黨無間言里中子弟咸相戒勿染

不善恐被聞知其躬行感人如是年八十鄉人置酒爲壽思魁念父早歿未得供養痛哭失聲人咸哀敬之

張守典字懷型東院莊人性好古文不喜時藝雖屢困場屋而士林多師事之性剛毅爲鄉里解警敏立斷曾不稍涉依阿

辛可選字鄉屏東鄉北眉村人性剛直鄉人有事不協者輒得其一言而解先是濰鹽歸商運銷由來已久誣良詐財民受其害商又視濰東鄉爲阻銷之區分設鹽店於傅戈莊多覓巡役嚴行緝私巡緝之際諸端訛詐由是積怨日深光緒十四年冬緝捕委員劉世賢署理知縣沈之姻親也縱役栽鹽辱及婦女更夫辛林見之爲鳴不平鹽商執林至店私行毒打逼証辛玉川等買食私鹽鄉人求釋辛林劉不允可選因衆不平傳帖眉村等八莊羣往與之理論并求釋林仍不允巡役見來者愈衆首先開鎗鄉民辛小玉死之復傷二人鄉人愈怒鎗刀齊施出辛林焚房舍世賢等

## 濰縣志稿

卷二十九 人物 義行

三十五

十九人死於火可選投縣署爲衆訴理時知縣沈革職繼任楊嚴刑峻法逼之終不屈巡撫張曜提省審理至十八年事乃大白可選返里賀者盈門可選曰吾得鳴不平吾願伸矣焉用賀賀者咸服其量

丁建初字福先優貢生莘縣訓導陳象昺字煦庭舉人甯海州學正皆品端學優秉教鐸七八年先是光緒丙子邑大饑二人者廣文冷官耳家又中落不忍坐視流離載道乃各出高粱三四石散給饑民嗣是諸紳各籌巨款設廠分粥延二人勸其事活人不下數萬家建初之任莘縣也注重考古勤於訓士每課必細加品評捐廉購買書籍擇文理優秀者賞給之待寒士則格施禮恤量爲攸助修文廟必躬親勘驗

修志書則勤加督飭澤人之深士林謳思

採訪冊  
莘縣志

劉毓麟字子厚高里莊人爲人落落自喜家無餘財而甚趨公益宣統三年高里橋爲秋水所壞不能行公議斂貲修葺計畝出錢而里中殷實之家嘖有煩言懼人之

給己也毓麟曰不須糾紛一於余乎取之乃於次年三月五日起工至二十五日工訖計費錢三百五十餘緡皆毓麟一人任之

譚應祿東關魚店街人少貧負販家用以饒遇地方善舉捐輸無吝色同堂五世家門百口共爨無間言壽八十四歲人多稱其孝友所致云

柴兆麟字瑞紱柴家莊人富甲一鄉宣統間被選爲縣議事會議長樂善好施急公好義鄉人欽其行贈匾曰一鄉善士

**民國**胡玉瑤字瓊齋邑東前鄧村人世業耕織以外貨充斥舊式布獲利甚微乃命長子巨鎬赴營口肄習並購機器以歸爲鄉人倡今出品幾遍各行省機戶不下數萬家皆玉瑤倡導力也悔童年輟學又命次子秀峯糾合同志在院上莊靜野寺前鄧村天齊廟先後創立兩等小學二所造就學子年七十七於民國十七年卒

先生墓表

梁國棟胡

## 濰縣志稿

卷二十九 人物 義行

三十六

于振鐸字金甫占鼈從兄也天性肫摯篤於孝友居母喪水漿不入口者旬日及弟銘彝宦遊歿旅邸聞訃痛悼至不欲生自傷年幼失學課子姪輩讀慕嚴以居鄉人文閉塞捐金籌辦學社嘉惠寒峻士林稱頌尋偕弟占鼈輸資籌勑于氏小學校篤誠獎學迄底於成民國肇建一時附義青年多出其門民國十五年卒年八十

李慶吉字瑞白李家埠人幼失學立志培養變法之初倡立六村小學復使子孫等遊學國外習醫俾濟人晚年開導窪田以利農殖修建王家橋烏龍橋以利交通鄉

人咸稱

李氏家傳

張世俊字次英龐家莊人清廷末年催辦學校鄉區多觀望敷衍世俊獨不俟督催約村中有智識者毅然創辦龐家完全小學堂基金半屬世俊慨捐學校甫立即充該校校長兼教員十餘年修脯未嘗取分文省督學來濰視察贊以純粹義務徐大總統親染翰贈以急公好義字樣其他建宗祠修族譜築沙堤辦鄉團族黨咸受其

賜卒於民國十八年冬

管錫侯字封圃常寨社管家柳疇莊人賦性敦篤慈善和易充常寨社社長三十年倡辦本疇上圩石橋及兩級小學堂一所宋曹兩邑侯均獎給匾額一曰學界干城一曰粉榆望重民國十三年卒鄉諡忠毅

譚友麟字瑞紱家世貨殖少從父商於徐州會父病隨之歸途遇盜力戰免父於難光緒丙申徐饑力襄兵備道桂賑災屢蒙優獎以故得署溧陽丞在任數月與知府福和衷共濟境內賴以治安後伯兄歿乃奉母家居民國元年饑三年大水親族賴其周貸全活者甚夥其熱心公誼一如在徐州時

胡曰漢字雲軒前鄧村人少穎悟及長嗜機械學爾時濰中無機器工廠也曰漢乃逕往哈爾濱俄國機器廠學習十餘年後充該廠機師回籍後遂至天津日商三井洋行購有織布鐵機四具又聯絡鄉人王舉才董鳳喈等陸續購買開通風氣數年

## 濰縣志稿

卷二十九 人物 義行

三十七

之間濰東一帶有鐵機二萬餘架近來附近昌邑安邱各村亦仿效焉唧唧之聲達乎四境民國六年春舉才等又協同眉村街長東眉村發起布市線市每集售四萬三四千疋銷售線七百五十六件沾溉里黨爲德無量

梁和中字大本辛木社後鄧村人與上房莊房月庭相友善月庭字蘭升清季變法創辦學校和中以社有靜野寺古剎收回寺產改歸校有勞怨皆不之顧然自以幼年失學則延月庭掌其事以是四十餘年來人才繼起咸歸功於二人焉

孫琦字次韓後改慈涵以字行性任俠喜音律古今中外格律莫不融通民國初遊學青島黑蘭大學恆夜半手洞簫出戶坐海濱磯上吹之月落汐退方罷未卒業歸五年討袁之役東北軍司令居正駐節濰城琦首倡紅十字會出城內婦孺數百人或以間諜訴諸軍部勒令取消琦力爭之久之事乃大白會務依舊進行是年冬第四團解散琦率會員冒險出城救瘞死傷軍民人皆爲之危不顧也時值用兵貧民

禦冬無衣出會中募資市衣千百襲擇貧苦無告者施給之六年春濰大饑復赴沿海各埠募捐購糧以食餓者全活無算其後數年兩走京師無所遇所志莫能伸竟

鬱鬱以歿年才三十三

孫氏  
家乘

孫曰聰字德明菜園莊人其任第九區區長時督隊剿匪不遺餘力地方賴以安謐知縣事李表其門閭戊辰地方遭風鶴之警曰聰日夜捍衛桑梓終以衆寡勢殊爲匪所害

孫連鳳字儀庭少貧失學行商岱南約三十年民國十三年大汶口鎮創立兩等小學校苦無校舍乃租連鳳商肆餘房每歲計價八百千連鳳初不知誰何繼知興學堅辭租價閱數年計資一萬三千終不受鎮人德之爲請於泰安縣府縣知事獎以廣廈育材額鎮人又爲文以記其事并額送濰懸諸門閭

耆壽

### 濰縣志稿

卷二十九 人物 義行 耆壽

三十八

傅乙山傅家莊人年一百二歲五世同堂

李桂訓導五世同堂

陳兆齊年至百歲欽賜粟帛

陳弼舉人鄉飲大賓五世同堂

毛應運壽百有七齡

毛士行壽百歲賜粟帛

毛舉壽百歲

丁大文武生五世同堂

丁泚國子生乾隆五十年年屆百歲五世同堂

丁吉士親見八代

楊春濤五世同堂

張希有常瞳人壽九十歲

王士榮壽百歲

陳述經壽九十一歲重宴瓊林

劉伯英壽八十七歲重宴鹿鳴

李榮福五世同堂

陳蒲八十二歲鄉飲介賓五世同堂

郭培由胞姪郭玉絜字溫如年九十三歲兩代五世同堂培由敕旌百歲昇平人瑞

于殿臣五品銜光祿寺署正試用訓導年八十五歲五世同堂

孫士英武庠生舉人兆麟父九十四歲五世同堂

張豐田省莊人八十四歲五世同堂

張奉三省莊人七十三歲五世同堂

濰縣志稿

卷二十九 人物 耆壽

三十九

王梅蘭嘉慶朝壽一百八歲

李廷鳳介賓嘉慶七年五世同堂

丁同人監生嘉慶時五世同堂

宋顯君嘉慶元年正月預千安筵宴賞給御製詩及諸珍物

吉德士光緒初五世同堂

陳在酉濮州訓導光緒十七年卒七十九歲五世同堂

蕭殿魁光緒二十五年八十四歲五世同堂

吉仁全宣統時五世同堂

張同湘白楊埠人八十餘歲六世同堂

丁伯元五世重慶民國間

王珽鄉飲介賓民國四年八十三歲五世同堂

王修學民國十二年八十歲五世同堂

王金鎧民國十五年八十二歲五世同堂

王同文民國二十一年壽百歲

丁兆霖邑庠生年九十歲

濰縣志稿

卷二十九 人物 耆壽

四十